

SHALOM

 Tirelo, kopano ya ka ya ngwaga wo moswa go beng re no ba re bulu. Le ke lesolo la ka la kgonthe go tloga ngwaga wo moswa. Oo, ke bile le mašego a se makae kua gae, morago ke bile tlase ka go Fort Huachuca yela. A ke se le tla e bitšago bjale? Ga ke kgone go bona ka fao o peletago *Huachuca* ka *H.* [Lefelo la go se be le selo godimo ga theipi—Mor.]

² Ga re, ga re ye go ba le taba ya seipone sa go gadimamorago. Seipone sa go gadimamorago se lebelela feela morago le go bona moo o bego o le gona. Re lebelela pele go bona moo re yago, le a bona. Seo se fetilego, Paulo o rile, “Go lebala dilo tšela tše di fetilego, ke gatelela go ya mmarakeng wa pitšo ya godimo ka go Kriste.” Gomme seo ke se re nyakago go se dira. Monna, re ka kgona go lebelela morago lesometlhano, mengwaga ye lesometshela ya go feta, ge ke etla Phoenix lekga la pele, go bile dilo tše dintši di direga ge e sa le nako yela, tše botse le tše mpe, tše tšohle di yago Kahlolong, ka diatleng tša Modimo. Eupša se ke se lebeletšego pele bjale ke se ke tla se dirago ka go ngwaga wo o tlago, go leba go kaonafatša Mmušo, go direng bontši, tšohle nka kgonago bakeng sa Mmušo wa Modimo.

³ Bjale, morago ga sekgalela se ke nyaka go bolela Molaetša wa ngwaga wo moswa wo go Kereke ka go Kriste, gomme ka gona gosasa bošego re ya go thoma go rapelela balwetši. Gomme re tla fa ntle dikarata tša thapelo gare... Ke nagana tirelo e thoma ka šupa, masometharo a šupa, bokaone le be fa e ka ba ka tshela goba kotara ka morago, gona, go hwetša dikarata tša lena tša thapelo, gore le se tsenatsene le tirelo ka moka.

⁴ Re nyaka go leboga bo—bo bolaodi fa, bja Ramada, gore re dumeleng go hwetša moago wo bakeng sa kopano ye, pele ga khonferense ye. Morena a ba šegofatše.

⁵ Gomme bjale ge le rata go phetla ka Mangwalong, moo re yago go bala, Ke ya go bala go tšwa go Jesaya, tema ya 60, le te—te temana ya 2, temana ya 1 le ya 2. Gomme Pesaleme 62:1-8. Pesaleme 62:1-8, pele.

Ka therešo soulo ya ka e letile Modimo: go tšwa go yena go tla phološo ya ka.

Yena a nnoši ke leswika la ka le phološo ya ka; ke tshireletšo ya ka; nka se šuthišwe gagolo.

Le tla nagana bobo botelele gakaakang kgahlanong le motho? le tla bolawa lena bohle: le tla ba bjalo ka leboto la go sekama, le bjalo ka morako wo o kgeregago.

Ba lakana feela go lahlela fase, go mo lahlela fase go tloga serokamong sa gagwe: ba thabela maaka: ba

šegofatša ka molomo wa bona, eupša ba tswirinya ka bokagare. Selah.

Soulo ya ka, wena leta feela Modimo; ka gore tša ka ditetelo di tšwa go yena.

Yena a nnoši ke leswika la ka le phološo ya ka: ke yena tshireletšo ya ka; nka se ke ka šuthišwa.

Ka go Modimo go phološo ya ka le letago la ka: leswika la maatla a ka, . . . botšabelo bja ka, bo ka go Modimo.

Tshepelang go yena nako yohle; lena batho, tšhollelang pelo ya lena ntle pele ga gagwe: Modimo ke sebo bakeng sa rena. Selah.

⁶ Ke rata tsela ye Dafida a bolelago gore, “leswika.” Le ela hloko, dinako tše ntši kudu, “Modimo ke leswika la ka.” Le tseba se leswika le šupago go sona, ka Beibeleng? *Leswika ke “kutollo.”*

⁷ Boka Petro a rile, “Wena o Kriste, Morwa wa Modimo yo a phelago.”

⁸ O rile, “O wa lehlogenolo wena, Simone, morwa wa Jona. Gomme godimo ga leswika le, kutollo ye . . .” Modimo o e utollotše go yena. “Nama le madi ga se tša tsoge tša utolla se, eupša Tate wa Ka yo a lego Legodimong. Godimo ga leswika le, kutollo ye, Ke tla aga Kereke ya Ka.”

⁹ Gomme Dafida fa a goeletša ntle, “Modimo ke leswika la ka, kutollo ya ka!”

¹⁰ Bjale ka go tema ya 60 ya Jesaya, temana ya 1 le ya 2.

Tsoga, phadima; ka gore seetša sa gago se tlile, gomme letago la MORENA le hlabilo godimo ga gago.

Ka gore, bonang, . . . leswiswi le tla khupetša lefase, gomme leswiswi la kgotlompo batho: eupša MORENA o tla hlaba godimo ga gago, gomme letago la gagwe le tla bonwa godimo ga gago.

¹¹ A re rapeleng. Morena Jesu, ge re naganišia godimo ga Mantšu a, re ya bjale ka go thomeng tirelo ye, go tlhompho ya Gago. Re šegofatš, Tate, re kgopela ka go la Jesu Leina. Amene.

¹² Bjale, sehlogo sa ka morago ga sekglela se ke lentšu le tee: *Shalom*. Ka go Sehebere, le ra “khutšo.” Khutšo, goba ke madume, ke “khutšo e be go lena,” goba, “o amogetšwe,” “moso wo mobotse,” mohuta e ka ba ofe wa—wa go dumedišo. Eupša lentšu legolo ke le hweditšego ka go Sehebere fa, go na le dilo tše dintši le di rago, eupša tšohle di amana le selo sa go swana, “khutšo.”

¹³ Bjalo ka ge re lebane le ngwaga wo moswa wo, re lebane bobedi, bjalo ka ge ke badile, leswiswi le Seetša. Bjale re bona gore Dafida, a bolela mo, o rile, “Tshepelang go Morena. Beang boitshepo bja lena ka go Yena.” Jesaya o rile, “Leswiswi la

kgotlombo le tla godimo ga batho ba; eupša go Kereke go tsoga le go phadima, ka letagong la Seetša.”

¹⁴ Kafao re lebana le ngwaga wo feela boka re dira mengwaga yohle; go na le bo—bo boitsholo bja diphōšo tša rena mo go feticlego, le go lebelela pele bakeng sa bokamoso bja Seetša sa letago sa Kriste. Ga go pelaelo, ge re phela go kgabola ngwaga wo, re tla hwetša diphōšo tše dintši tše re di dirilego, gomme re no letela seo gobane se ya mmogo pele le morago. Woo ke molao wa boitekanelo wo re phelago ka wona mo bophelong bjo. Eupša re thakgetše kudu re ne Mmoelanyi Yo a dutšego ka seatleng se setona sa Modimo, go dira dipuelano. Ge re rata go amogela diphōšo tša rena tše re di dirilego ka phošo, gona O a di lebalela. O tletše ka mogau le kgaugelo, go re lebalela bakeng sa diphōšo tše.

¹⁵ Leswiswi le la kgotlombo, ke duma go bolela ka lona pele, gore go ne bontši bja leo ka lefaseng lehono, gomme le golela boswana le boswana nako yohle. Ngwaga wo mongwe le wo mongwe, re hwetša gore, gore le—le lefase le ba leswiswi, go bolela semoyeng, ka gobane ba phopholetša ka leswing. Go na le sebe se sentši. Go no feta go kgabola se re nago le sona, polao ya Mopresidente, le go ya pele, gomme batho ba bolawa thwi mo ka nageng ya rena. Moo, re ka se nagane seo se tla direga mo nakong ya tlhabologo ya sebjalebjale, eupša kgonthe re ne yona, gobane leswiswi la kgotlombo le godimo ga batho. Bjale, bao ba ka se retologelego go Seetša, gona fao go selo se tee feela nka kgonago go se bolela ngwaga wo o tlago, le ya go kudupanela boswana le boswana ge ngwaga o eya pele.

¹⁶ Eupša go bale ba ba tla retologago, ka ngwageng wo mosa wo wa, go ya Seetseng, gona le tla phadima le go phadima, go ya Letšatšing lela la go phethagala le re le lebeletšego, go bonagala ga Gagwe, moo leswiswi lohle le tla bego le nyamaletše—le nyamaletše. Gomme lebaka la seo, ke ka baka leo ke rego, go Kereke ya Modimo yo a phelago, lehono, “Shalom,” ka gore re Dietša tša Gagwe. Jesu o rile, “Lena le Seetša sa lefase.”

¹⁷ Bjale, moperfeta o rile, “Leswiswi la kgotlombo godimo ga batho ba; godimo ga batho ba lefase, leswiswi la kgotlombo.”

¹⁸ A le lemogile, mo mengwageng e se mekae ya go feta, ba bangwe ba lena monna le basadi tikologong ya lebaka la ka, gore ka fao ngwaga wo mongwe le wo mongwe, go bonala eke leswiswi le tla bontši le bontši? Ke be ke bolela letšatši le lengwe, gomme ka re go mosadimogatša wa ka, “O a tseba, go bonala bjalo, ge mengwaga e eya pele, gomme bjalo ka ge go no bonala o ka re batho ba thoma go ya kgojana le kgojana go tloga go selo sa kgonthe gore ba swanetše go be ba etla kgauswana le kgauswana.”

¹⁹ Ke hlokometše, magareng ga monna. Lebelela ntle mekgotheng, gomme kudukudu magareng ga basadi, šetšang

dikganyogo tša bona le se ba ratago go se dira, gomme ba—ba fetola mekgwatebelelo nako yohle. Monna o ba go swana le basadi kudu, gomme basadi ba tla kudu go swana le banna, gomme go bonala o ka re ga go tsela ya go e emiša. Ke kgabaganya setšhaba, ke rera kgahlanong le selo, gomme ka tla morago ngwaga wo o latelago gomme go befile kudu go feta ka mo go bego go le ge ke be ke thoma. Ke, bona batho ba nyaka go dira gabotse, eupša, bona, fao go se sengwe ka yona seo se sa ba dumelelego go dira gabotse. Se no ba gatelela fase, go ba gapeletša. Ke—ke boka ye koto, kgudi ye ntsho godimo ga lefase ka moka. E sego feela ka Phoenix, eupša gohle godimo ga lefase, go bonala go no ba leswiswi la go phiphila leo le kgobokanago, go ba bokoto le bokoto go fetiša, nako yohle, go no kgamelelabonna bja kgonthe, bosadi bja kgonthe. Ke bolela ka tlhagong.

²⁰ Gomme, ba, bonala o ka re...e tla bontsi le bontši ka dikerekeng. Gomme ka gona ge o phagamela godimo le go bolela se sengwe kgahlanong le yona, gona ba go ahlolabakeng sa go e dira. Le a bona, o—o kgona go e bona e etla, gomme—gomme ka gona ge o bolela kgahlanong le yona, yo mongwe o e kwešišetšathoko. Dinako tše dingwe basadi ba e kwešišetšathoko, banna ba e kwešišetšathoko, ba tšeamokgwatebelelo wa phošo.

²¹ Monna nako ye nngwe, monna wa go loka, o swanetše go kgonana le dilo tše bjalo gore a sware ditokelo tša bona ka maemong a bodumedi ao e lego ba ona, ka gore, ge ba sa dire, ba a rakwa, gomme gona ba—ba tla iponela. Gomme ka gona ge ba kile ba rakwa go tšwa go batho ba bangwe, ka gona go bothata go tsena ka gare le yo mongwe gape, gobane ba kile ba tseba gore le be le le ba sehlopha se sengwe, gona, “Go diregile eng godimo fa?” Gona o swanetše go ema go diphenyego tša gago, goba go ya pele ka bowena mong, goba go gana diphenyego tša gago. Kafao e e dira ye thata ka kgonthe go batho.

²² Gomme go lebega o ka re nako e, ga o kgone go bona boemo bjoo bja kgonthe ntle, bjalo ka ge motho a swanetše go ba. Nna... Ebile go e tšeeleng morago, go tloga go ya semoya, bjale go ya go ya tlhago, Ke... Go bonagetše go nna gore monna a apere dieta tše pinki tša belebete, le mehuta yohle ya dilo boka tše, go no bonala eke ba fetogile bontši boka basadi. Gomme basadi ba kgoga disekerete, bjale ba na le disikara, gomme ba no...le go ripa moriri wa bona bjalo ka monna; gomme go bonala o ka re bo—bo bothakga, mohumagadi, bosadi se sengwe se ile. Gomme monna wa digobagoba wa kgonthe o ile; tšohle a bonalago go nagana ka tšona ke se sengwe se sebe, ka lehlakoreng le lengwe.

²³ Ke nagana go no ba boka go bile mo mathomong, “kgopoloye nngwe le ye nngwe ka pelong ya motho e fetoga bobo.” Mananeo a rena—a rena, thelebišene le—le seyalemoya, ga a hlokolwa.

Motho o kgona go bolela e ka ba eng, bokgauswi, ba nyakago go, ebile ba rogana le go bolela ditšila, mehlamo ya go kgamathela yeo—yeo gabonolo e sa swanelago go ka ba, go ka se kgonege, e ka se bolelwe ka pareng. Efela ba ka kgona go e bolela mo thelebišeneng le mo seyalemoyeng, gomme ba e romela thwi ka magaeng a batho. Go bonala eke leswiswi lela la kgotlombo le khupetša selo ka moka. Lefase ka moka le bonala go tšhilafala.

²⁴ Bjale, lebaka la mengwaga, ke be ke leka go swara seelo, Lentšu la Modimo. Gomme ke ikemišeditše kudu ngwaga wo o tlago go swara boemo bjola go feta nkile ka ba bophelong bja ka, le a bona, ke eme thwi go otloga le Lentšu lela. Bjale, ke a holofela gore mang le mang yo a hwetšago ka monaganong wa bona gore ke dira seo go dira mo o ka rego ke yo mokaone, gona, ngwanešu, kgaetšedi, ka kgonthe o phošo. Ke dira seo gobane ke tlamegile go Lela. Ke, ke tlemega go dula le Lentšu lela. E ka ba eng Le se bolelago, ga ke bee tlathollo ya sephiri, ke no Le bolela ka tsela yeo. Bjale go na le ba bangwe bao ba ka kgonago go Le hlatholla le go Le dira go kwagale go fapano gannyane, eupša nka se kgone go dira seo. Polelo e nnoši ke e tsebago ke se se ngwadilwego ka Fa, feela tsela ke ka tsela Ye.

²⁵ Bjale, e sego ye mekae, e ka ba mengwaga ye meraro ya go feta, e tla ba bjale, gore, kua gae, kerekeng ya ka ya gae, Moya wo Mokgethwa o boletše le nna, wa re, “Eya Tucson, fao go na le selo se sengwe se letile.” Ke eme mo sefaleng se gomme ka botša yo mongwe le yo mongwe wa lena, “O RIALO MORENA, se sengwe se lokela go direga.” Go na le ka kgonagalo makgolo a batho ba dutše fa bao ba e tsebago. Ke no le botša se ke se bonego. Molaetša o godimo ga theipi, *Ke Nako Mang, Mohlomphegi?* Ke bone sehlopha sa Barongwa, boka phi—phi phiramiti, se etla fase feela leboa la Tucson; godimo ka tsela *ye*, leboa la Tucson. Gomme Ba boletše le nna se sengwe, gomme ga se ke tsebe e be e le eng. Gomme letšatši le lengwe fale... Go ne monna o dutše thwi a le gona bjale, ba babedi ba bona, bao ba bego ba na le nna, morago godimo fale ge seo se direga.

²⁶ Gomme ba tšere seswantšho sa Sona lefaufaung. Se tlile ntle ka go—ka go kgatišobaka. Ke naganne ke bile le khophi. Ke a dira. Yeo ke yona. Le e bona mo ka go kgatišobaka ya *Life*, khophi ye, feela tlwa ka tsela ye Moya wo Mokgethwa o rilego e tla ba.

²⁷ Gomme fao go be go eme Barongwa bale ba šupago feela ka tlhago bjalo ka ge le mpona ke eme mo, gomme ba mpoditše go boela legaeng la ka, gore, diphiri tše bumpshfatši tlase go kgabola mabaka ba šitlwego go di topa godimo, diphiri tša Beibebe, tše Mahuto a Šupago a bego a di swere, di tla utollwa. Ke hlohla mang kapa mang, go hwetša *Mahuto a le a Šupago* gomme a a lebelela, gomme a hwetše phošo ka ona. Le a bona? Le a bona? Ka gobane e filwe ka tšhušumetšo ya Modimo.

²⁸ Pele ga fao, ke rerile ka *Mabaka A Šupago A Kereke*, gomme morago ka a thala ntle godimo ga letlapantsho ka tabarenekeleng ya ka.

²⁹ Thuto ya ka, ga ke rere Thuto ntle mo, e sego selo eupša feela metheo ye megolo ya boebangedi; gobane ke ne baena, ba ka no fapana le nna, gomme ga ke fe Yeo ntle pele ga batho fa. Ke no leka go dula motheong wa kgonthe wa Lengwalo, bjalo ka se re se dumelago. Eupša, ka tabarenekeleng ya ka, ba a O gatiša. Ge o O nyaka, o ka kgona go ba le Ona. Ge modiša wa gago a sa nyake o be le Ona, o se ke wa O tšea. Le a bona, seo se tšwa go wena.

³⁰ Eupša ka kua, go rera ka *Mabaka A Šupago A Kereke*, le go ba le tumelelo go tšwa go Modimo; go a thala ntle, ka fao leswiswi le tlago ka kerekeng, Nicaea; le barongwa ba kereke, batseta. E swanetše go ba e be e nepile, ka gore, ka pela ge ke na le ona a thadilwe mo lebakeng la kereke la mafelelo, ka Lamorena mosong, ka iri ya lesometee, Seetsa se segolo sela se tlie fase ka moagong, pele ga e ka ba batho ba bantsi bjalo ka ge ba dutše mo; se tlie fase gomme se pantše Sonamong ka lehlakoreng la leboto, pele ga batho bale bohole, gomme sa thala Mabaka ao a Kereke feela tlwa ka tsela ye ke bilego le ona a thadilwe fao. Bjale, go ne makgolo le lekgolo la dihlatsse fale go netefatša seo. Feela . . .

³¹ Gabotse, bjale, re a lemoga gore Modimo ka mehla o bontšha dilo legodimong pele A di laetša mo lefaseng. Go swana le banna ba bohlale ba latetše naledi, le go ya pele. Leswao la legodimo le a direga, pele, ka gona la lefase le hlatsela leswao la legodimo. Modimo o a mekamekana, o šoma ka maswao, maswao le dimaka. Di swanetše go latela badumedi mogohle. Bajuda ka mehla ba be ba lebeletše leswao, gobane ba be ba le bakgethiwa ba Modimo, gomme ba lebeletše leswao. “Re bontšhe leswao, gona re tla dumela.” Gomme, ka gona, ge banna ba bohlale ba tlie le kanegelo ya bona, Dihlalefi, ya tswalo ya Kriste, feela ngwageng wo moswa.

³² Bjale re hwetša gore ngwedi, ka Beibeleng, o emela kereke. O bontšha seetša lefaseng, mo go se beng gona ga letšatši. Kutollo, tema ya 12, ka kgonthe e hlaloša seo, “mosadi le ngwedi ka tlase ga dinao tša gagwe, letšatši hlogong ya gagwe.” Le ka fao gore ge letšatši le se gona, ge letšatši le ile go lehlakore le lengwe, ngwedi o bonagatša letšatši go lefase. Kereke e swanetše go bonagatša Jesu Kriste go lefase, ka go se beng gona ga Morwa wa Modimo. Bohle re dumela seo. Ke selo sa go tlaba, bjalo ka ge bontši bo bile go fapana.

³³ Eupša go bolela mo, ka 1933, ga mopapa a tšea lefelo la gagwe go tšwa go lona, goba go tšwela ntle, a ke re, ga Roma, le go dira ketelo go di-di dinaga tše kgethwa. O tla tla gape mo. Gomme selo sa go tlaba, ke, mašego a se makae pele a tloga Roma, lekga la mathomo e kilego ya ba ka historing, ngwedi o

theogile gomme o ile ka go phifalo ya ngwedi ya go felela. Feela yeo, e be e le eng? Go dira moriti go tšwa go Seetša sa Morwa se bonagaditšwego. Ka go se, o boletše le tate wa Orthodox; gomme bohole ba kwanong, “Mopapa o dira se bakeng sa kopanelo, kopanelo ye botse ya boagišani.” Ye e kwagalago, go tsebe ya tlhago, selo sa go makatša kudukudu se ka diregago. Eupša go tsebe ya semoya, ke leswiswi. Le ka fao gore rena dikereke, rena Presbyterian, Methodist, Baptist, le Mapentecostal, re ka tsoge ra kgonà go tšoena ka tlhakahlakanong ye bjalo ka yeo, le go tseba gore Beibele ya rena e re ruta go fapanà! Ke selo se sebotsebotse go nna, gore ka fao monna wa go tlala ka Moya a kgonago go dula mafelong gomme a re, “Go kwagala semoya go ba ka lefelong le le bjalo.” Go nna, go a šiiša.

³⁴ Bjale, ke a thankà le na le yona mo ka Phoenix. Ge e ka ba mang... Ke ba bakae ka fa ba kilego ba bona moo ke bilego le tšona diswantšho di thadilwe tša Mabaka a Kereke? Phagamišang diatla tša lena. Ke a thankà... Le bona ka fao Morena a a thadilego lefaufaung, bošego bjo bongwe? Feela tlwa ka tsela ye e thadilwego godimo kua tabarenekeleng. Ka go phethagala, tlwa tsela ye Moya wo Mokgethwa o filego ka tšhušumetšo, mengwaga ye meraro ya go feta, ka tabarenekeleng, fao e diregile ka mafaufaung. “Ka molomo wa dihlatsé tše pedi goba tše tharo, a lentšu le lengwe le le lengwe le eme.” Moya wo Mokgethwa la mathomo o sepetše ka tšhušumetšo; ke a thadile mo sefaleng. Morago O tlide fase ka Boyena gomme a dira ponagatšo ya Gagwe ya yona, ge ngwedi le Seetša di eya ntle, go ya ntle, le go Lebaka le la Laodikia le eya ka go leswiswi la go felela gape. Gomme šo O tla fase le go e hlatsela ngwedding, feela ka nako yeo dikereke tšohle di yago mmogo ka go kgobokano, ya mokgatlo wa dikereke.

³⁵ Ga go makatše, bjalo ka ge Jesaya a boletše, “Leswiswi la kgotlompo le godimo ga lefase, godimo ga batho ba.”

³⁶ Ke a tseba ga se gwa tlwaelega go bolela kgahlanong le mokgatlo, eupša leo ke leswao la sebata. Seo ke selo se se re rwalelago thwi ka go leo. Ke go direla sebata seswantšho. Ga ke bolele seo go befelwa. Ke bolela seo ka baka la gore ke Therešo, baena. Letšatši le tla tla ge Phoenix e tla tsoga, gomme mohlomongwe ke sepetše, eupša le tla tseba gore seo e be e le O RIALO MORENA. Ke therešo. Gomme ka fao gore Moya wo Mokgethwa wo mogolo o hlatsatše Melaetša yeo le go bolelelapale dilo, go se tsoge wa palelwa nako ye nngwe! Gomme gobaneng re phopholetsà ka leswiswing? Gobaneng batho ba sa phafoge pele go eba thari kudu? Le lengwe la matšatši a, go tla ba thari kudu, ge o šetše o tšere leswao, gomme ka gona ga go... Fao ga go selo gape o ka kgonago go se dira ka yona nako yeo, o tla swarwa ka go tshepedišo yeo, gore o marakilwe le tshepedišo yeo.

³⁷ Gobaneng o sa tle go Kriste, wa tlatšwa ka Seetša sa Ebangedi ya Jesu Kriste, Maatla a Gagwe a go tsoša ao a kgonago go go lokolla, le go go dira kerese ye e dutšego godimo ga thaba? Ga go kgathale e ba leswiswi gakaakang. O re, "Gabotse, gobaneng re swanetše go e dira? Ka moka ga bona . . ." Theetšang, thwi bjale ke nako go e dira e phadime, ge e le leswiswiswi. Moo ke ge Seetša se phadima bokaonana, ke ge Se le leswiswing. Re swanetše ka mehla go dumelala Seetša go phadima mo e lego leswiswi.

³⁸ Moprefeta a re, "Lesewiswi la kgotlompo le tla ba godimo ga batho ba," gomme ka kgonthe ke Therešo.

³⁹ Bjale re hwetša se se dirilego ngwedi go bonagatša seetša. Modimo a bontšha, sa pele, mo letlapeng; go latela, ka Bogona bja Gagwe Mong; morago ka magodimong O bontšhitše leswao. Gomme ka gona go tswa Roma go ile mopapa, godimo ka Palestina; leo, go leihlo la tlwaelo, batho ba goeeditše le go wa ka difahlego tsa bona, le go rapela monna. E sego bontši gape kgahlanong le yena go feta nka ba modiredi yoo a tla tšoenago godimo le yo bjalo. Yohle ke moya wa go swana.

⁴⁰ Go bonala eke leswiswi lela la kgotlompo le dutše godimo ga batho go fihla ba nagana feela selo se nnoši se se swanetše go dirwa ke go ya kerekeng le go ba motho yo mobotse wa go loka, go bea leina la gago godimo ga puku, le selo se sengwe se sennyane sa sephiri, "Modimo o tla phetla senotlelo ge o ehwa, le go fetola moya woo ka go wena, go Yena." O fošitše. Ge o ehwa, moya wola o lego godimo ga gago, ke tsela yeo o tla bago go ya go ile. Gomme elelwang, Bafarisei, Basadutsei, le go ya pele, e be e le batho ba bodumedi kudu.

⁴¹ Modimo ke Modimo wa lehufa. O ne lehufa, gomme o nyaka mosadimogatša wa Gagwe a hlwekile. O mo nyaka a le kgarebe, kga. Ga go selo lefaseng ka go yena, le gannyane; gohlegohle Lentšu la Gagwe, karolo ya Gagwe. Re swanetše go ba karolo ya Lentšu. E sego karolo ya thutotumelo; karolo ya Lentšu! E sego karolo ya kereke; karolo ya Monyalwa! Kereke e ahlotšwe, re a tseba gore o ya leswiswing la kgotlompo, eupša Monyalwa o ya godimo.

⁴² Bjale ge batho ba ka no phafoga lebaka la dinakwana di se kae le go lemoga seo selo se segolo se lego. Ke boikgogomošo bjoo bo dirago seo. Ke batho ba—ba nyakago go ya boka lefase ka moka. O ka se kgone go dira seo. Ga se wena wa lefase. A le nagana mosadi a robetše ka go khaskete ya gagwe o tla nyaka go tseba ge eba o bile le moriri wa gagwe o dirilwe meetse, goba e ka ba eng o nyakago go se bitša? A le nagana o tla ela hloko ka fao a bego a apere ge eba o be a robetše ka go khaskete, goba monna tsoko? Ba ka se e dire.

⁴³ Gomme leo ke lebaka, lehono, go na le dilo tše dintši re swanetše go di kopiša ka morago ga baagišane, goba naletšana

ye nngwe ya Hollywood, goba fešene ye e itšego, goba se sengwe go swana le seo, ke ka gobane ga se re hwe le bjale go Kriste le Lentšu la Gagwe. Bothata ke eng ka dikereke? Re ka leswiswing, re phopholetša ka leswiswing. O rile, “Go tla ba leswiswi la kgotloempo godimo ga batho.” Leswiswi la kgotloempo go batho bjale!

⁴⁴ Sohle se ra eng? Le ra se, gore ge lefase . . . Ke eng e dirilego ngwedi go timelela ntle, e bile ka gobane le—le letšatši . . . lefase le tsene ka moriting wa letšatši, leo le bego le iponagatša lonamong mo lefaseng. Lefase le tsene ka moriting. Seo ke se e lego bothata ka kereke. Seo ke se e lego bothata ka Presbyterian, Methodist, Mapentecostal. Seo ke se e lego bothata ka rena bohle. Lefase le tswalela Seetša seo re swanetšego go be re se bonagatša, le iphetša ka bolona go dikologa gomme la tsena ka go Lona, gomme, ge di fetana seng sa tšona, le lahlela leswiswi godimo ga lona.

⁴⁵ Gomme lefase le ttile ka kerekeng, ka go—ka go leina la kerekela, leina la thutotumelo ye e itšego, gomme “re ba bodumedi le sohle *se* le sohle *se*,” eupša go le bjalo e gana maatla a tsogo a Kriste go hlatsela Lentšu la Gagwe le le profetetšwego letšatši le. Go ka kgona feela go ba Seetša ka Lentšu la Modimo. Re tseba seo. Modimo, mathomong, o rile, “A go be seetša,” gomme fao gwa ba seetša, bohlatse bja Lentšu la Gagwe le A le boletšego.

⁴⁶ Boso, bo fifaditšwe! Lefase le ttile mothalong le ponagatšo ya letšatši go ngwedi, gomme la o fifatša. Seo ke tlwa se se diregilego ka tlhagong, goba ka semoyeng. Bjalo ka ge se diregilego ka tlhagong, e bontšhitswepele le go re botša, seo ke tlwa se se diregilego.

⁴⁷ Bjale, le bona ka fao seo se tlogo ntle bofelong. Bontši bja lena batho ba baswa, ga la swanelia go tšofala kudu go fihla le e bona, go le bjalo, ge le ka phela mengwaga ye meraro goba ye mene gape.

⁴⁸ Ngwedi bjale, re ka go Lebaka la Kereke ya Laodikia. Ka go Lebaka la Kereke ya Laodikia, go dikereke tše dingwe tšohle, la Laodikia, la mafelelo, lebaka la kereke le bolelo, Kriste o be a le ka ntle ga kereke. Mmadi yo mongwe le yo mongwe wa Beibele o tseba seo. Kutollo 3, O be a le ka ntle ga kereke, a leka go hwetša tsela ya Gagwe morago gape, gomme ga se nke a re O tsene ka gare. “Eupša ba bantši bjalo A ba ratilego, O ba kgalemile le go ba sola.” Molaetša o tla sola le go kgalema bale ba A ba ratilego. Bjale, o be a kokota, a leka go tsena; leswiswi le Se timile, tlwa se se diregilego. Seetša se se bego se phadima, ka pela se tla tswalelelwa ntle ka go felela. Yohle e tla ya ka gare go bopela sebata seswantšho. Gomme re tseba se seo se se rago, yeo ke nako ya bofelo.

⁴⁹ Modimo, mathomong, o arogantše seetša go tloga go leswiswi, gomme seo ke gape se Modimo a se dirago. Modimo o aroganya seetša go tloga go leswiswi. "Mathomong," O rile, "a go be le seetša." Bjale, elelwang, go ka se be le seetša ka ntle ga Lentšu la Modimo. Lona letšatši ntle kua ke Lentšu la Modimo, le hlatsetšwe. Go be go le leswiswi la kgotloempo godimo ga lefase, kgudi le mouwane godimo ga lefase, gomme Modimo o rile, "A go be seetša." Bjale go ka reng ge seetša se etla? Gona e ka se Mo dire botse go bolela. Eupša ge A rile, "A go be seetša," gomme seetša sa tla go beng gona, go hlatsela gore Lentšu la Gagwe le be le rereša. Seetša sela re phelago ka sona lehono.

⁵⁰ Gomme Seetša se nnoši seo re ka bago le sona lehono, ka kerekeng, ke Modimo a hlatsela Seetša sa Gagwe go moloko wo.

⁵¹ Moloko wo mongwe le wo mongwe aroletšwe bontši bjo, go diragetše mo matšatšing a bona. Bohle re tseba seo. Baprofeta ba tla tiragalong. Bona, Lentšu la Morena le tlide go bona, ba Le kwešišitše. *Mmoni*, ka go Testamente ya Kgale, go ra gore, "yena yoo Lentšu le utolotšwego go yena." Le ka fao ba e tsebago, gobane o tsebelapele dilo tše di tla tlago. Ka gona Lentšu la Morena le tlide go bona, lebakala lengwe le le lengwe.

⁵² Jesu o rile go Johane, ka ga Johane, "O be a le seetša sa go taga le go phadima, lebakana." Gobaneng? Jesaya, mengwaga ye makgološupa le lesomepedi pele a tswalwa, o rile, "Go na le segalontšu sa yo a goeletšago ka lešokeng." Maleaki, tema ya 3, e rile, "Bonang, Ke roma motseta wa Ka pele ga sefahlego sa Ka, go lokiša tsela pele ga Ka." Le a bona, o be a le Lentšu leo le hlatseditšwego. Lentšu le le bego le tshepišitšwe go letšatši leo, o be a le seetša, ka gobane o be a dira go tla go phethega lona Lentšu leo Modimo a boletšego ka yena.

⁵³ Gomme ge Jesu a tlide, Johane o rile, "Ke swanetše go timelela bjale; O swanetše go tla ponagalang." Gomme O be a le seetša. Gohle go theoga go kgabola mabaka, ka fao Modimo a boletšego ka iri yela e tlago!

⁵⁴ Banna bale ba baruti ba šitilwe bjang go Se bona? Ba šitilwe bjang? Bafarisei bale le Basadutsei ba šitilwe bjang go bona? O rile, "Phetlang Mangwalo, ka gore ka go Wona le nagana gore le na le Bophelo bjo Bosafelego, gomme Ke Wona a pakago ka Nna." Ba šitilwe bjang go Se bona, baena? Ke ka baka la gore go profetilwe gore ba tla e dira.

⁵⁵ Gomme go bjalo le lehono, gore leswiswi la kgotloempo le tla godimo ga batho, gomme ke rena ba! Modimo o abetše Lentšu la Gagwe go bonagatšwa letšatšing le, gomme ke Seetša se nnoši re nago le sona, gomme Modimo o ya go dira yo mongwe a bonagatše Lentšu lela. Yo mongwe o ya go e dira. O e tshepišitše, gomme O ſoma feela tlwa boka ka mehla A dirile ka yona.

⁵⁶ Ga se nke a fetola phethene ya Gagwe ya mošomo. O profeta se se tla diregago, ka gona O romela yo mongwe tlase le go

hlatsela seo. Gomme le ya ka godimo ga hlogo ya dimilione, gobane, leswiswi le khupetša lefase nakong yeo. Gomme batho ba rata leswiswi bokaone go phala ba dira Seetša, gobane leswiswi le ne boipshino bjo bontši.

⁵⁷ Ke bone papadi ya Hollywood, e se kgale, e rile, “Bophelo bo thoma ka morago ga ge letšatši le sobetše.” Moo ke ge lehu le thoma; diklapo tša bošego tšohle tše, le mo ba naganago ba a phela. Ba a hwa.

⁵⁸ Modimo, mathomong, o aroganče seetša go tloga go leswiswi. Ka mehla o dirile seo. O dira eng? O gatelela leo, ka seetša se se tlago, O pitlaganya leswiswi go lehlakore le lengwe la lefase.

⁵⁹ Gomme seo ke tlwa se se tlago go phethega bjale. E no ba pele ga letšatši. Naledi ya moso e tlie ntle go dumediša letšatši le le tlago. Gomme Moya wo Mokgethwa o laetša Seetša sa Wona. Go tla nako ge Seetša le leswiswi di tla swanelago go aragonjwa, e tee go tloga go ye nngwe. Kereke le lenaneo la yona di tla tseea tshepedišo ya letšatši; gomme Kriste le tshepišo Seetša Lentšu la Gagwe ba tla ya ka go Tlhatlologo. Seo ke selo se nnoši seo se ba šaletšego go se dira. Ke letšatši, lehono, ke go hlabi ga letšatši le leswa, bakeng sa ba bantši ba lebeletšego go Tla ga Gagwe.

⁶⁰ Ba bantši kudu, batho ba go loka ba go hlokofala lehono, seo ke se se fišago dipelo tša bona, ba bantši kudu, batho ba go hlokofala gabotse boka Maria le Josefa. Ba be ba etšwa moketeng, gomme ba hlokile Jesu. Batho ba bantši ba dira selo sela sa go swana lehono, ba nagana gore O na le bona. Bjale, ke nyaka go bea seetša se sennyane se go lena, go le laetša ka fao Lentšu la Modimo le sa palelwego ka gona.

⁶¹ Rena bohole mo, morago ga sekgalela se, bao re lego Bakriste, re a dumela gore Jesu Kriste o be a le Lentšu la Modimo, le bonagaditšwe. Re a dumela O tswetšwe ke kgarebe. O be a le tabarenekele ka go yona Ramaatlakamoka Modimo a bego a dula ka go yona, mo lefaseng. E sego feela moprofeta, e sego feela motho wa mehleng, eupša Modimo Yenamong a bonagaditšwe ka sebopego sa motho. O be a le *Imanuele*, “Modimo o na le rena.” Re dumela seo, ka pelo ya rena yohle. Gomme bjale hlokamelang ge Mareta goba . . .

⁶² Maria, a ke re, le Josefa, ba nagana Jesu o be a ne bona, ba be ba no bona o ka re O be a ne nabo, go nagana, “Go swanetše go no loka. O tlamegile go ba le rena.” Eupša ba be ba fošitše gampe. O be a se gona.

⁶³ Bontši kudu, batho ba go loka ba bjalo ka bao lehono. Ba nagana, ba bona iri e batamela, ba a tseba se sengwe se lokela go direga, ba dira eng? Ba ya go tšoena kereke, ba nagana gore O na le bona. Ba šikinya diatla le moreri, ba nagana ke sohle ba swanetšego go se dira, “O ne bona.” Go tiisetšwa goba go kolobetšwa ka tsela ye e itšego, seo ke sohle ba swanetšego go

se dira, go nagana Jesu o na le bona. Ngwanešu, kgaetšedi, go no swana le Maria, Josefa, wa kgale, batho ba go hlokoſala ka nnete, go le bjalo ba phoſiše.

⁶⁴ Bophelo bja gago bo netefatša ge eba Jesu o na le wena goba aowa. Bophelo bja gago bo bontšha ge eba O dutše *fa*, goba ge eba O sa le ka magodimong a Gagwe goba aowa, e ka ba eng o lego. “Mediro ye Ke e dirago le tla e dira le lena.” O ka kgona bjang go ba le Kriste ka go wena, gomme gona wona Moya ka go wena wa gana Lentšu la Gagwe, wa tsea thutotumelo sebakeng sa seo? E ka se kgone go e dira. O tla iphenya ka Boyena ka go gana Lentšu la Gagwe Mong.

⁶⁵ Feela ka gobane yo mongwe o beile tlhathollo ya go fošagala go Lona? O na le Beibele, o ka kgona go bala bjalo ka yo mongwe gape. Hlokoſala.

⁶⁶ Dafida o rile, “Bea Yena pele ga sefahlego sa gago ka mehla.” Re tseba gore ge re kopana ngwaga wo moswa wo, re kopana le ona ka maatla a tsogo ya Kriste. “Yena ka mehla o pele ga ka. Nka se šuthišwe.”

⁶⁷ Hlokomeſang ka fao Lentšu le sa palelwego. Maria le Josefa... Bjale go lena, bagwera barategi ba ka ba Katoliki, bao ba rilego Maria o be a le mmago Modimo. Maria ebole o be a se mmago Jesu, ga re sa bolela ka go ba mme wa Modimo. O be a ka kgona go ba bjang? Nneta. Ga go nako e tee A kilego a ke a mmitša bjalo ka mme; le gatee.

⁶⁸ Ba tlide go Yena nako ye nngwe, gomme ba rile, “Mmago le banabeno ba letile ka ntle.”

⁶⁹ O lebeletše go phuthego ya Gagwe, a re, “Mme wa Ka ke mang? Baena ba Ka ke bomang?” O lebeletše barutiwa ba Gagwe, o rile, “Bao ba dirago thato ya Tate wa Ka, bao ke ba ba bjalo ka mme wa Ka, wa Ka...”

⁷⁰ Godimo ga ſefapano, ge A be a ehwa, gape O boletše ſelo sa go swana. O rile go Johane, Johane *fa*, monna yo, “Morwa, bona mmago!” E ſego, “Mme, bona morwa wa gago.” “Mosadi, bona morwa wa gago!” E ſego, le a bona, o be a se mmago Modimo.

⁷¹ O be a no ba popelo ya go adingwa yeo Modimo a e šomiſtſego; go se fete mosadi yo mongwe e ka ba ofe Modimo a tſeago kgopolo go mo šomiſa. A ka šomiſa (ya gago) popelo ya pelo ya gago, go kwalakwatſa Morwa wa Gagwe, ge o—ge o ka no Mo dumelela go e dira. Le a bona? E ſego mme wa Modimo. Fao go swanetše go ba maikutlo, ebole le go ba peu ya Maria. O be a bile e se peu go tſwa go Maria.

⁷² E be e le, ſelo ka moka, e be e le Modimo, Mohlodi. Ge Adama wa pele morago kua a hlotſwe ntle le tate le mme, Adama wa Bobedi e be e le ſelo sa go swana. Gomme eng kapa eng ka fase ga seo se ka se Mmee godimo go lekana le Yena. Yeo ke nnete.

Modimo wa go swana, O hlotše mmele woo Yena Yenamong a dutšego ka ona.

⁷³ Bjale re hwetša, lebelelang ka fao, lebelelang, ge eba Maria o be a le mmago Modimo, ka fao a theletšego, fale. O rile, “Tatago le nna re Go nyakile ka megokgo.” A latola tswalo ya kgarebe, “Tatago, Josefa, le nna, re Go nyakile.”

⁷⁴ Šetsang Mošemane yola wa bogolo bja mengwaga ye lesomepedi, Ngwana wa bogolo bja mengwaga ye lesomepedi, a re, “A ga o tsebe gore Ke swanetše go ba ka go mošomo wa Tate wa Ka, go ngangišana le tšona dikerekemaina godimo kua?” Bjale, ge eba O be a na le le, ka mošomo wa Josefa, A ka be a bile tlase lebenkeleng la go betla. Josefa e be e se tate wa Gagwe. Modimo o be a le Tate wa Gagwe. “A ga le tsebe Ke swanetše go ba modirong wa Tate wa Ka?” Godimo kua, ka mengwaga ye lesomepedi bogolo, le bona baprista ba go rutega. Ga go letšatši ka sekolong, eupša efela ba ile ba tlabega ka bohlale. Gomme lebelelang go . . .

⁷⁵ O be a le Lentšu. Ge A tswetšwe, O be a le Lentšu. O sa le Lentšu. Hlokomelang, Lentšu le ka se tsee bofora. O rile, “Tatago le nna re Go nyakile ka megokgo.”

⁷⁶ O rile, “A ga le tsebe gore Ke swanetše go ba modirong wa Tate wa Ka?”

⁷⁷ O kgadile mme wa Gagwe Mong? Gobaneng? O be a le Lentšu. Go tla ba le potšišo ka monaganong wa yo mongwe, ge eba Maria fa, yo a kilego a re “Moya wo Mokgethwa” o mo alametše le go tliša pele Morwa, gomme morago mo o bitša Josefa tate. Lentšu ga le palelwe. Le ka se kgone go šitwa.

⁷⁸ “Ga le tsebe gore Ke swanetše go ba modirong wa Tate wa Ka?” Gomme O be a le modirong wa Tate; e sego—e sego kgwebong ya Josefa, go dira mabati le—le dilo tša mmetli. O be a le ka modirong wa Tate wa Gagwe, a otollela ntle dipolitiki tša bodumedi ba bilego natšo ka letšatšing leo. “A ga le tsebe gore Ke swanetše go ba ka modirong wa Tate wa Ka?” Ee, mohlomphegi.

⁷⁹ Batho ba bantsi lehono, ka go bontši bja dikereke tše kaone tše, ba ya ka go khansele yela ya kereke; e sego “go ya” ka gare, ba šetše ba le fale. Ba akanya gore seo se no ba tlwa selo go dira, “Ka botho, ka bose, gobaneng bohole re sa kgone go tla mmogo?” Gobaneng, ba be ba leka, bohole, lebaka la mengwaga, go dira Mamethodist ohle Baptist, le Mabaptist ohle Presbyterian; Mapentecostal ba lekile go dira bohole ba bona Mapentecostal. O ka se kgone go dira seo, eupša khansele ke karabo ya lena. Yeo ke karabo, se Beibele e rego ba tla se dira, gomme seo e no ba tlwa se ba se dirilego. Dikereke tša segwera ke, ee, mohlomphegi, go tla mmogo, “Gabotse, a re beng le kopanelo!”

⁸⁰ Beibele e rile, “Ba babedi ba ka sepela mmogo bjang ntle le ge ba kwane?”

⁸¹ Ba bangwe ba bona ba gana tswalo ya kgarebe. Diphesente tše masomeseswai tša dikereke tša Protestant di gana tswalo ya kgarebe. Gomme ba gana kolobetšo ya Moya wo Mokgethwa. Ba gana maswao a go Tla ga Gagwe, Maatla a tsogo. Ba gana gore O a swana maabane, lehono, le ka gosafelego. O ka kgona bjang, ge Modimo a beile tlhakatlhakano ye yohle ka lefaseng gobane mosadi letšatši le lengwe o belaetše sekafoko se sennyane sa Lentšu la Gagwe? Sathane o mmoditše Therešo, yohle eupša selo se tee, eupša seo e bile selo seo se hlotšego bothata bjohle. Bjale, ge go opa gohle go ga hlogo le manyami ao o swanetšego go a lebelela, gobane sekafoko se setee se sennyane sa Yona e be e le pelaelo, a le nagana sekafoko s sennyane sa pelaelo se ka tsoge sa re tseela ka gare?

⁸² Ke ka lebaka leo Jesu a tleLAGO Kgarebe ye e hlwekilego, ya go seka, ba tladišwe ka Moya wo Mokgethwa, gomme e sego ka lefase, eupša ka Maatla a Modimo. Oo, go makatša bjang go tseba gore go ne kgonagalo go tsena ka go Sehlopha se! O e dira bjang? O ka se tsoge wa e dira ka go tšoena ka mokgatlong. O tla e dira ge o kolobetšwa ka Moya wo Mokgethwa, ka go Mmele wa sephiri wa Jesu Kriste, o tsogile le Yena ka tsogong, a lokologile go tšwa lehung le sebe. Yeo ke tsela e nnoši.

⁸³ Leswiswi! Dikerekemaina tše kgolo, gomme sehlopha se segolo sa monna se tla mmogo le go bea dikgopolo tša bona ka ga Lona, gomme seo se go lahlela thwi morago ka go momenekano boka o bile kua mathomong. Ga go dikhlofelo le gannyane ka go taba yeo; gabonolo o ile. Gomme bona bohole ba no bonala go huduega kudu ka ga dikereke tše tša bogwera, go nagana ge Modimo a tla ba le bona. “Gabotse, Mileniamo o ya go thoma ge khansele yohle e etla mmogo godimo fale, le mesepelo yohle ya mohlakanelwa, le go ya pele,” gomme ba tšoena ka gare. Ba dira eng? Ba direla sebata seswantšho, maatla, gore moo bohole ba sego kerekeleina, le go ya pele, bao ba ka se tšoenego le bona, ba tla tswalelwaw ntle. E no šetšang gomme le bone ge seo se direga.

⁸⁴ Ke na le yona e ngwadilwe fase mo, lona letšatši re . . . Morena o ntirile go bona seo ka 1933. Gomme še e no ba tlwa ka tsela yeo a . . . ka tsela ye O boletšego, go no tla ka tsela ya go swana, kafao mopapa a bego a tla tlogela Roma, le go ya pele.

⁸⁵ Bjale, ke batho ba go loka, eupša ba fošitše. Josefa le Maria e be e le batho ba bakaone, eupša phošo ka kgontha. Eupša e be e le eng? Modimo o šomišitše Mošemanne wa mengwaga ye lesomepedi go bontšha gore Lentšu lela le swanetše go dula le sekile, tlwa se Le bilego, se Le se boletšego lefelong la pele, “O tswetšwe ke kgarebe,” gomme seo ke se A bego a le sona.

⁸⁶ Go naganeng O be a ne bona ge ba tšoena dikereke, le go ya pele, eupša E be e se. Bjale, eupša go Bakgethiwa . . . Bjale, leo ke leswiswi, gomme nka kgona go dula godimo ga leo lebaka le lengwe la iri.

⁸⁷ Eupša go Bakgethiwa, ba bohlokwa le babitšwa, Bakgethiwa ba Modimo, ke re go lena, ngwaga wo o tlogo wo: Shalom, khutšo ya Modimo!

⁸⁸ Iri e mo! Ge nkabe ke bile morago kua pele ga matšatši ao lefase le hlotšwego, gomme ka lebelela fase gomme ka bona selo sohle, gomme Tate a rile go nna, “Ke letšatši lefe o nyakago go phela?” Ke be ke tla re bjale, thwi bjale! Ye ke iri! Ye ke iri ye kgolokgolo yeo Kereke e kilego ya sepelela ka go yona, feela pele ga go tla ga Monyadi. Oo, Kereke ya kgontha ya Modimo yo a phelago e swanetše go tuka, go tuka, ka Seetša sa Ebangedi se hlatselwa magareng ga bona. “Tsoga gomme o phadime, ka gore Seetša se tlie go wena,” Seetša sa letšatši le. Jesaya o be a le seetša sa letšatši la gagwe. Noage o be a le seetša sa letšatši la gagwe. Gobaneng? O bile le Lentšu le bonagaditšwe. Gomme Ebangedi, Mantšu a Beibele bakeng sa letšatši le, ke Seetša sa letšatši. A nako ya letago ye re phelago ka go yona!

⁸⁹ Bjale, “moso wo mobotse” go ra *khutšo*. Leswiswi le a kgobokana. Le kgobokaneleng? Go bontšha Seetša. Jesaya 60:1, “Tsoga gomme o phadime, ka gore seetša se tlie go wena.” Ke ka baka leo nka kgonago gore, “Shalom,” Seetša se tlie go lena, khutšo ya Modimo go Mosadi yo a kgethilwego, go Mohumagadi yo a kgethilwego; bao Modimo, pele ga motheo wa lefase, a ba bileditšego ntle le go beela go Seo.

⁹⁰ Ka moka ga bona ba ka se tsoge ba Se bone. Ba ka se tsoge ba tseba selo ka Sona. Beibele e boletše bjalo. Gomme Jesu o rile, “Ga go motho a tla tlogo go Nna ntle le ge Tate wa Ka a mo goga, pele; gomme bohole Tate a Mphilego ba tla tla.” Yeo ke . . .

⁹¹ Judase o eme fale, Seetša se phadima godimo *fa*, eupša morago ka pelong ya gagwe go be go le peu ye ntsho. Ge makgaolakgang a etla, leswiswi le laeditše.

⁹² Mo go be go le yo monnyane, mokgekolo, ka moka a fifaditšwe ntle, godimo *mo* ka pele, eupša tlase *mo* go be go le peu ye e kgethetšwegopele. Gomme ge Seetša se etla, Se šwalalantše leswiswi, gomme se bontšhitše pele. “Re a tseba Mesia o etla, gomme, ge A dira, O tla re laetša dilo tše.”

Jesu o rile, “Ke nna Yena.”

⁹³ Eupša Judase o Se belaetše, efela o be a swanetše go be a sepela ka Seetšeng. Le a bona, Seetša godimo *fa* ga se tshwenye; ke Seetša tlase *fa* seo se balwago. Seetša godimo *fa* se tla sepela le go kopanelo, le se sengwe le se sengwe gape; eupša ge maatla a kgontha a Modimo a etla ka gare, a ka se kgone go tla morago go peu *ye* ya go hwa, a tla bonagatša go tšwa go kerekeleina.

⁹⁴ Eupša ge Se le morago tlase *fa*, ya mmapale, peu ye e kgethetšwegopele, ge Seetša sela se etla fase *fa*, se laetša leswiswi lohole go tloga go wena, le go go bea ka kopanelong le Kriste. O be a le Yena Yo a go filego Bophelo pele ga motheo wa lefase, go sego bjalo o ka se tsoge wa Se bona, se Modimo a se boletšego.

⁹⁵ Bjale, go lena Peu ye e kgethetšwegopele, Shalom! Amene. Khutšo ya Modimo e khutše godimo ga lena, gobane re kgauswi le bofelo bjale. Re thwi tlase kgauswi le bofelo. Re ya go bolela ka sehlopha sela, lebakana. Shalom!

⁹⁶ Seetša sa Modimo se tlide. Lentšu, Seetša, se hlatsetšwe gape, gore le kgone go bona diponagalo tša tshepišo ya Modimo bakeng sa letšatši le. “Phetlang Mangwalo, ka go Wona le nagana gore le na le Bophelo bjo Bosafelego.” A paka ka letšatši le re phelago ka go lona. Seetša sa letšatši ke eng? Beibebe e tshepišeditše letšatši le eng? Le bona iri ye e lego yona!

⁹⁷ Ga go makatše Jesu o ba kgalemetše go se dumele Johane. O be a le seetša, gobane moprefeta o rile o tla tla. Gomme o be a le fao, seetša se se bonagaditšwego. Ga se ba se bona. Ga se ba se kwešiša; ba naganne o be a le Mesia, gomme *ba* naganne se sengwe gape, le se se sengwe. Ba šitilwe go Se bona.

Jesu o tlide godimo. Dietša tše pedi di ka se kgone go phadima ka nako ya go swana.

⁹⁸ Go ka se be le seetša sa kereke le Seetša sa Modimo se phadima ka nako ya go swana. E swanetše go ba Seetša sa Modimo se tima seetša sa kereke. Gomme seo ke tlwa se se diregago lehono. Modimo o aroganya bokerekgo tloga go Seetša sa Gagwe sa Lentšu le le tshepišitšwego la iri ye re phelago ka go yona. Yeo ke Therešo, mogwera. O ka no se nyake go dumela seo, eupša o no leta le go hwetša ge eba go bjalo goba aowa. Le se ke la leta, bokaone tsenang ka gare thwi bjale ge go sa na le sebaka go tsena ka gare.

⁹⁹ Lentšu ke Seetša ge Le hlatsetšwe. Go fihlela Lentšu, le tshepišitše go letšatši, le hlatsetšwe, gona ga se Seetša. Le ka se kgone go ba. Ge Modimo a rile, “A go be le seetša,” gomme ga go letšatši le tlogo go ba gona, ga go leswao la seetša. Eupša ge Modimo a rile, “A go be seetša,” gomme go bile le seetša. Ge Modimo a tshepišitše Mesia, Mesia o tlide, gona Lentšu la Gagwe le phethagadišwe gomme O be a le Seetša sa iri. Ge A tshepišitše Noage, gomme O tshepišitše ba bangwe, le go ya pele go theoga, ba be ba le seetša sa iri.

¹⁰⁰ Gomme go na le Seetša sa iri lehono, yoo ke Jesu Kriste ka maatleng a tsogo ya Gagwe, Lentšu la Gagwe leo le tshepišeditšwego letšatši le. “Mediro ye Ke e dirago, le tla e dira le lena; ye megolwane go feta wo le tla e dira, ka gore Ke ya go Tate.” Mediro ye megolwane, dilo tše kgolokgolo go feta A dirile? A le a e dumela? Ke a e dumela. Go bonala go kokobela. Go bonala o ka re e ya bokagodimo ga ntlhora ya hlogo ya batho. Lebelelang ge A be a le mo lefaseng, o ka kgona bjang go dira “ye megolwane” mediro? Ke fetoletše seo, makga a mantši, “bontši,” eupša selo sa go swana. “Ye megolwane,” O boletše ka go Mokgethwa Johane 14:12, “mediro ye megolo go feta wo le tla e dira.”

¹⁰¹ A le lemogile? Ge A ile go dira meetse go ba beine, O tšere meetse, pele; selo se se šetšego se hlotšwe, gomme a se fetolela go beine. Ge A fepa batho ba dikete tše tlhano, O tšere hlapi ye e kilego ya rutha ka meetseng, a e ngwatha, a e neela ntle, le go atiša tlholo. O tšere borotho bjoo bo kilego bja ba korong, e pakilwe go ba borotho, a bo ngwatha gomme a bo lekeletša ntle go... a bo neede ntle go batho, gomme bo boile morago gape. Tlholo ye e oketšegilego!

¹⁰² Eupša ka matšatšing a mafelelo, moo go sego leswao la tlholo, O le bolela ka tlholong, go le bjalo, go bontšha go ba Modimo wa go swana yoo a biledgo mo mathomong. O kgona go hlola dihlorana, O kgona go hlola e ka ba eng A e nyakago, gobane ke Yena Modimo. “Dilo tše kgowlane go feta se le tla di dira, ka gore Ke ya go Tate wa Ka.” Lentšu ga le palelwe, gomme Le swanetše go bonagatšwa gomme le swanetše go phethagatšwa. “Ye megolwane go feta wo le tla e dira,” e sego go atiša, eupša go bolela ntle go hloleng.

¹⁰³ Hlokamelang Lentšu bjale ge A tshepišitše. Kae, mo kae, gona? Ke letšatši lefe re phelago ka go lona? Iri ke eng? Go bonagatša ga Lentšu la Modimo, boka go le ka diiring tšohle. Le na le Molaetša ka go *Mabaka A Šupago A Kereke*. Šetšang tlwa ka fao se sengwe le se sengwe sa dibata tšela se ilego ntle, le Dibata tše di di latetšego. Setšang tlwa ge e se ya betha go theoga lebaka la bumpshafatši, le lebaka le lengwe le lengwe, feela tlwa ka tsela ye e bego e swanetše go ba, tlwa se Lentšu le se boletšego. Gomme go tla ba bjalo ka Moya wo Mokgethwa o bonagatša lehono feela tlwa se Beibele e rilego se tla ba.

¹⁰⁴ Re bona moriti ka magodimong le lefaseng, le dilo tšohle, le dikhansele le dilo di eba komana.

¹⁰⁵ Gomme re a bona, ka bogareng bja tšeob tšohle, Ebangedi ya letago ya Jesu Kriste, e tshepišeditšwego letšatšing le, e iponagatša Yonamong. Re phela ka go nako ya go makatša. Shalom go lena ba le nago Lentšu tlase ka pelong ya lena, le kgethile pele ga motheo wa lefase, go kwa Lentšu la letšatši le. Ge o sa dire, ke ngwaga wo mobe go wena pele. Ge o le, ke lefase le legolo go wena pele, goba letšatši le legolo, ngwaga wo mogolo o etla bjale, ngwaga wo moswa.

¹⁰⁶ E sega go phetla letlakala le leswa; bontši bja batho ba leka go phetla letlakala le leswa ka ngwaga wo moswa, go le retollela morago letšatši la go latela.

¹⁰⁷ Boka kanegelo ye nnyane ke bego ke e bala mosong wo mongwe. Mosadi o goeleditše go monna wa gagwe, yo a emeletšego ka pela gomme a ya ntle le go tšeapampiri ya mosong, gomme o be a bala pampiri ya mosong. O rile... O rile, “A go ne e ka ba eng ye mpsha mo ditabeng?”

O rile, “Aowa, feela selo sa go swana, ke batho ba go fapania feela.”

¹⁰⁸ Ke ka tsela ye go lego lehono, selo sa go swana. Re na le mokgatlo wo moswa, thuto ya kgale ya go swana; e no se pepetletša go dikologa, yo mongwe o hwetša legato le lennyane la yona go yeng ka tsela *ye* goba ka tsela *yela*.

¹⁰⁹ Le ke letšatši le leswa. Haleluya! Le ke letšatši leo re swanetšego go tsoga gomme re phadime, ka Maatleng a Jesu Kriste. Leswiswi la kgotloempo le dula godimo ga lefase; go swanetše go ba letšatši le leswa go rena, ee, ka kgontha, go e dira feela ka tsela ye A e dirago. Eupša retologelang go Lentšu la Gagwe gomme le bone tshepišo yeo e tshepišeditšwego letšatši le, gomme o tla tseba ge eba o phela ka Seetšeng sa letšatši goba aowa. Go fetola tšupamabaka ga go fetole nako; go fetola feela tšupamabaka.

¹¹⁰ Bjale sekgauswi theetšang. Dirang bjalo ka ge Dafida a dirile, beang bokamoso bja lena ka seatleng sa Gagwe. “Bjang? Ke eng ke swanetšego go tseba gore ke dire eng, Ngwanešu Branham?” Bea bokamoso bja gago ka seatleng sa Gagwe. Ga go kgathale ke eng e tlago goba e sepelago; tshepa Yena. Yena ke Lentšu, bjale tseba. Dafida o rile, “Nako ya gagwe e ka seatleng sa Ka. Tshepela go Yena nako yohle. Ka mehla tshepela go Yena.” O tsebile Yo a swerego bokamoso, Dafida o dirile, ke ka baka leo a kgonnego go bolela se. Go ne yo Motee feela a swerego bokamoso, yoo ke Modimo. Kafao, O swere bo-bo bokamoso, a nke A go sware. Go lokile.

¹¹¹ Batho ba bangwe ba re, “Eupša, Ngwanešu Branham, ke lekile gomme ke lekile.”

¹¹² Eupša ema motsotsa. Kgotlelelo ke bokwala. Kgotlelelo ke bokwala bja Moya wo Mokgethwa. “Bao ba letelago go Morena ba tla mpshafatša maatla a bona.”

¹¹³ O re, “Nka kgora bjang go leta botelele bjo bo itšego?” E no tšwelapele o letile. Ge o dirile tšohle o ka kgonago go di dira go ema, gona ema, le a bona, e no ema. “Ke ya go e dira bjang?” Emang! O rile ke Therešo, gomme ke Therešo. O rile e tla direga. “Bjang?” Ga ke tsebe; eupša e tla direga. O boletše bjalo. O e tshepišitše. Ge A e tshepišitše, e ya go direga. Yeo ke phetho. E ka se kgone go senyega.

¹¹⁴ Kafao bjale e nnong go elelwa, Modimo o tšere mengwaga ye dikete go phethagatša tshepišo ya Gagwe ya Mopholosi yo a tlago. Mengwaga ye dikete tše nne, Modimo o tšere go phethagatša tshepišo yeo. Eupša O tsebile, go tloga mathomong, feela ge e be e eya go direga. O tsebile; ga go yo mongwe gape a dirilego. O nno re e tla direga. Gomme ge e direga, batho ba be ba le ka phorong ye bjalo, go fihla ba sa tsebe mokgwa wa go e amogela. Ge selo sela sa go swana se sa ipušeletša gape! Ka mehla se a dira, ga nke sa palelwa, mahlakore bobedi, ka mehla.

¹¹⁵ O dirile eng nakong ya mengwaga ye? O laeditše dikai tša Gagwe go tla.

¹¹⁶ O go bontšhitše ka go Josefa. Ge le ka lebelela go bophelo bja Josefa; o hloilwe ke banababo, o ratilwe ke tatagwe. Gobaneng? Gobane o be a le wa semoya, gobane o bone dipono. Ka moka ga bona ga se ba bone dipono; ba be ba le bapatriaka eupša ga se ba bona dipono, go hlatholla ditoro. Eupša ba be ba mo tsebafela. Gomme o ile a rekišwa gabotse ka diripana tše masometharo tša silibere, a emelela go tšwa ka moleteng mo a bego a swanetše go bolawa, o dutše seatleng se setona sa Farao. Gomme ge a be a a tlogela terone, phalafala e be e galagala, “Kobang letolo; Josefa o etla!”

¹¹⁷ Feela tlwa se Jesu a se dirilego, o dutše ka seatleng se setona sa Modimo. Gomme ge A tlogela Terone, diphalafala di tla galagala. Gomme letolo le lengwe le le lengwe le tla kobega, gomme la ipolela go Jesu Kriste, Morwa wa Modimo. Tlwa.

¹¹⁸ O go bontšhitše ka diswantšho tša Dafida, ge a be a le godimo go...kgoši ye e gannwego a lebeletše godimo ga Jerusalema, a lla. “Ke bontši ga kaakang nkabego Ke go alametše, bjalo ka kgogotshadi e tla dira matsuana a yona, eupša ga se wa nyaka.”

¹¹⁹ Go theoga lebaka, O go laeditše ka diswantšho, a tseba gore letšatši le lengwe mohuta wa mafelelo o tla phethagatšwa, le ponagatšo ya go tlala ya Mesia wa Gagwe yo a tshepišitšwego o tla ba fao. Gomme ge tshepišo ya go tlala e etla, le ge A e kaile.... Letšatši ka morago ga letšatši, ngwaga ka morago ga ngwaga, O e kaile. Gomme ge go etla go kgonthe, ga se ba e dumela.

¹²⁰ O dirile selo sa go swana, a se kaya, le go se laetša ka go mabaka a kereke, le se sengwe le se sengwe, go iri ye re phelago ka go yona, gomme batho ba ka leswiswing la kgotlombo, go bonala o ka re ba no se kgone go e kwešiša. Selo sa go nyamiša bjalo!

¹²¹ Go no swana le ge re bona lesogana ntle mo, yo mokaone, yo mogolo, moisa wa go bopega bokaone ka moriri wa gagwe, se a o tataganyago boka mosadi, gomme go apara diaparo tša go swinelela, le jesi ye kgolo ye telele e lekeletše, gomme a apere dieta tše moretele. Bonna? Oo, nna, a selo sa go befa go bitšwa monna! A selo go bitšwa monna! Yeo ke nnete.

¹²² O bona mosadi tsoko, a swanetšego go kgahliša le go ratega, a tšwela ntle a apere para ya marokgo a monna, sekerete ka molomong wa gagwe, le moriri wa go kotwa. A selo sa go bitšwa mosadi! Jesu o biditše Maria, “mosadi.” Ebile o be a se a swanela go bitšwa seo; feela mosadi.

¹²³ Hlokamelang, le iri! Ka baka la eng? Dinako tše dingwe batho ba ba tleleimago gomme ba naganago gore ba hlokofetše, eupša leswiswi la kgotlombo le na le bona ka go se. Beibebe e rile di tla ba ka mokgwa wola. Balang Jesaya 6 gomme le hwetše ge eba basadi ba be ba sa dire ka tsela yeo mo matšatšing a mafelelo, feela tlwa ke se Beibebe e rilego ba tla ba. Ke Lentšu la Modimo. Jeremia le ba go fapania ba boletše ka iri ye re phelago bjale,

gobane ba bone bofelo go tloga mathomong. Kafao re bona dilo tše, le leswiswi la kgotloempo godimo ga batho.

¹²⁴ Ee, go tšere Modimo mengwaga ye dikete, go lahlela... go bontšha dikai le se sengwe le se sengwe, gomme mafelelong ba be ba sa Mo tsebe ge A etla, le ge A be a swantšitšwe ka go Josefa le Dafida le Eliya, le bohole tlase go kgabola fale. O be a swantšitšwe le bona, gomme efela ga re kgone go kwešiša gobaneng ba se ba Se bona. Gomme se be se le fao, thwi ka Lengwalong, “Go tšwa Bethlehem ya Judea,” O tla tswalwa. Re hwetša gore ka Mangwalong, ka fao A bego a swanetše go tswalwa, kgarebe. “Kgarebe e tla ima gomme ya belega Ngwana, gomme ba bitša Leina la Gagwe Imanuele.”

¹²⁵ Ba Mmolaetše eng? “Gobane O itirile Modimo Yenamong,” gomme O be a le Modimo. Kgontha, ba a e amogela. “O rile O itira Modimo Yenamong, go lekana le Modimo, a re, ‘Ke nna Morwa wa Modimo.’” Gobaneng, O be a le!

¹²⁶ Beibele e rile O swanetše go bitšwa, “Moeletši, Mokgoma wa Khutšo, Modimo yo maatla, Tate wa neng le neng, Semaka!” Seo ke se A bego a le sona. Gobaneng ba be ba sa kwešiše seo?

Ga go makatše ge A rile, “Le swanetše go puruputša Mangwalo.”

Ba rile, “Re barutiwa ba Moshe.”

¹²⁷ O rile, “Ge nkabe le be le le barutiwa ba Moshe, nkabe le Ntsebile. Moshe o ngwadile ka Nna.” Gomme ba be ba sa e tsebe.

¹²⁸ Gomme iri e godimo ga batho gape, ge ba tla ya go dithutotumelo tša bona le dilo, sebakeng sa Jesu wa go ratega. Yeo ke nnete. Dilo tše kgolo bogolo tše di tlago tše, gomme e di tliša thwi ka go leswiswi le lentši le leswiswi le lentši. Gomme Modimo a e bega ka go Lentšu la Gagwe, ka maswao le matete ka magodimong, le go laetša pele, go bolela dilo tše di diregago feela tlwa go iri le go motsotsso, se se tla diregago. Gomme ka gona ba tšwela pele go sepelela thwi tseleng ye e swanago. Go bonala o ka re ga ba no kgona go e thuša. Batho ba go loka, ee, mohlomphegi, ba dira selo sa go swana bjale bjalo ka ge ba dirile nako yela.

¹²⁹ Re dibopiwa tša nako. Modimo ke dibopša tša Bokagosafelego... Modimo ke sebopiwa sa Gosafelego. Ga se nke A ke a thoma gomme A ka se tsoge a fela. Kafao gobaneng o sa no ikgafela wenamong go Yena? Lebelelang godimo, gomme le phadime ka lethabo la Seetša sa Lentšu la Modimo leo le phadimago lehono. Gobaneng batho ba sa kgone go bona Seo, bagwera?

¹³⁰ Theetšang, ke nna ngwanabolena. Ke a le rata. A go ka se be bonolo kudu go nna feela go kgotlelela, ge, le go ya pele le go re, “Oo, gabotse, ke tla itšimeletša ka Le, ke tla itši-...”? Ga se ka dirwa go tšwa go seo. Aowa, mohlomphegi. Ge e le

Lentšu, ke Lentšu. Modimo a re thuše go emela selo sela e lego therešo! Ee, mohlomphegi. Go ka ba kaone, kgonthe, o tla hwetša go phaphathwa go gontši mo mokokotlong. Eupša se ke, ke tla se dira ke eme fale ka Letšatši lela ge yona menwana ya marapo e šupa sefahlegong sa ka le go re, “O tsebile bokaonana, eupša o šitilwe go re botša”? Fše! Aowa!

¹³¹ Ke tla ba bjalo ka Paulo, “Ga se ka šia go kwalakwatša go lena Keletšo ka moka ya Modimo.” Ga go madi a motho godimo ga ka. A nke A ye moo e ka bago. Yeo ke Therešo. Modimo o a e tseba, gomme O a e thekga le go re ke Therešo.

¹³² O retologela go eng, go Ngwanešu Branham? O, o tla ba lešilo go dira selo se sebjalo. Retologelang go Kriste, gomme Yena ke Lentšu! Retologelang go Kriste!

¹³³ Tlogang go dithutotumelo! Boelang morago ka go...ga ke kgathale, le ka no be le thomile thutotumelo ya lena, mengwaga ye makgolotlhano ya go feta, gore o no... Seo ga se re selo se tee go Modimo. Bona Basadutsei le Bafarisei ba thomile botelele pele o dira, gomme ba ahlotšwe.

¹³⁴ Oo, o leka go bea bohlatse bja gago bja Moya wo Mokgethwa godimo ga ditiro tša go fapano. Ke dumela go diponagalo tša Moya wo Mokgethwa. O dira eng? Mapentecostal ba re, “Go bolela ka maleme ke bohlatse bja mathomo bja Moya wo Mokgethwa.” Ke bone baloigadi le dinoge ba bolela ka maleme. Ke ba bone ba bolela ka maleme le go nwa madi go tšwa magateng a batho, le go profeta le go gana go be go ne selo se sebjalo bjalo ka Modimo. Ke bile ka dikampeng tša boloi moo ba beago phensele mo tafoleng le go e dira e tabogele godimo le fase, le go ngwala ka maleme a šele le go le hlatholla. Yeo ke nnete. Seo ga se na selo go... Efela, ke a dumela Modimo o bolela ka maleme a šele ka batho ba Gagwe. Eupša le beile kgatelelo ye ntši godimo ga seo, “Gobaneng go swanetše go ba mohlatholli? Gobaneng go swanetše go ba molaetsa go kereke?”

¹³⁵ Gona lena batho ba bangwe, le re, “Dikenywa tša Moya, ke ka mokgwa wo re tsebago. Lerato, thabo, ke ka mokgwa wo re nago le bohlatse.” Ke yona? Gona Saense ya Bokriste e le phadile bohole. Ba šomiša seo go feta lena bohle Mapentecostal, Mamethodist, le Mabaptist, le beilwe mmogo.

¹³⁶ Šetsang se se diregago. A nke ke le bontšhe dikenywa tša Moya, gomme ke bone ge eba o ka kgona go yela sebakeng sa seo gape. A re tšeeng Jesu. Modimo ntshwarele bakeng sa mantšu a ke yago go a bolela; ke ya go retologa kgahlanong le Yena lebaka la motsotsa, go le laetša, go tsea khansele ye ya monna mo, le khansele ye ya monna mo morago ga sekgalela se. Ke tla re...

¹³⁷ “Bahlomphegi, go na le Moisa yo moswa tikologong fa, ka Leina la Jesu wa Natsaretha, se beng le selo go dira le Yena! Ke mang wa pele... Beibele ya rena e re ruta eng? Modimo ke lerato. Ke mang wa pele le wena ge o be o tswalwa? Wa gago yo botho,

moprista wa kgale. Yeo ke nnete. Ke mang a tliego go wena ge o be o hloka, o o se ne tšhelete, gomme a go adimiša tšhelete tsoko? Wa gago wa go loka, moprista wa kgale. Tlwa. Ke mang a beilego seatla sa gagwe godimo ga legetla la gago le godimo ga legetla la mme, ge o be o le kgauswi le go arogana, gomme a go rapela morago go Modimo? Wa gago yo botho, moprista wa kgale. E be e le mang a tšerego lehlakore le wena, ge wena le moagišani wa gago le be le ngangana, gomme a go tliša morago mmogo ka kopanelong? Wa gago yo botho, moprista wa kgale. Yeo ke nnete. Ke mang, a mantšu a mafelelo a ya go bolela godimo ga gago ka letšatši ntle mošola? Ke mang? Ba go dira o dule fale le go bola; eupša wa gago yo botho, moprista wa kgale o a tla gomme o a go šegofatša, gomme o romela Lentšu la Modimo mmogo le wena. Wa gago yo botho, moprista wa kgale!

¹³⁸ “Go reng ka Mothaka yo a bitšwago Jesu wa Natsaretha, gona, le a bona, ke sekolo sefe A tšwago go sona? Wa gago wa go loka, moprista wa kgale o ile a swanela ke go dira sehlabelo, bophelo bja gagwe bjohle. Rakgolo wa gagwe e be e le moprista. Rakgolo-khukhu-khukhu-khukhu-khukhu-wa gagwe o be a le moprista. O beile nako ya gagwe ka moka ka mokgatlong. O hlahlilwe go Lentšu; o tseba se a bolelago ka sona.”

¹³⁹ Bjale re bolela ka dikenya tša Moya: botho, lerato, thabo, khutšo, kwešišo, pelofalo, kgotlelelo, le a bona, kenywa ya Moya.

¹⁴⁰ “Go reng ka Jesu yo, O be a etšwa kae? Ga re na le lentšu gore O kile a tšwa sekolong se se itšego. Tšohle A di dirago ke go leka go kgeila dikolo tše re di agilego.” Ga go bontši bja dikenya tša Moya kua, a ke yona?

¹⁴¹ “O dirile eng Yena godimo kua moo bona borakgwebo ba go šokiša tlase kua, le borakgwebo ba bego ba swanetše... Bona, ga ba ruwe dinku, kafao ba—ba beile lešaka le lennyane ntle kua gore motho a kgone go tliša nku ka gare. Rakgwebo yola wa go šokiša, o—o nyaka go neela nku, ka gore ke senyakwa sa Modimo. O tliša nk—nk nku ka gare, go rekiša go rakgwebo, gore a kgone go neela bakeng sa soulo ya gagwe. Jesu yo wa Natsaretha o dirile eng? O ragile ditafola tša gagwe; o tšere lerala gomme a le loga mmogo, a itia bona baprista ka ntle ga fale; gomme a bitša wa gago yo botho, moprista wa go tšofala, ‘noga ka bjanyeng; moikaketši!’”

¹⁴² Bjale le bitša yela kenywa ya Moya? Ka kgonthe aowa. Gona dikenya tša lena tša Moya di tsokame kae? Go no feta go swana le ge o nagana ka kwelobohloko, gomme Yena a eya go kgabola lešaba la batho fao, mašaba a robetše, difofu, digole, bahlokofatšwa, bašošobani, digole, dihlotsa, gomme a se tsoge a fodiša e ka ba mang wa bona; a tletše ka kwelobohloko. Batho ka monagano wa senama ba ka se tsoge ba E tseba. Diseminari ga di E rute. Ke kutollo. Nnete. Kenywa ya Moya e rothela kua, a ga e? Bona baprista ba bile le dikenya tša Moya makga a lesome.

¹⁴³ O tla tseba bjang se se lokilego? Ponagalo ya Lentšu la Modimo le le boletšwego ge le dirwa go bonagatšwa, Seetša sa iri. Nnete. Fao ke se bohlatse bja Moya wo Mokgethwā bo lego sona, go dumela Lentšu la Modimo ge Le bonagaditšwe. O be a le Lentšu, le bonagaditšwe. Gomme ba bangwe ba bona ba Le ganne, ba Le segile, ba dirile metlae ka Yena le go Mmitša m—m mmolelelamahlatse, moyā tsoko wo mobe; go ne bohlatse, go bolela ka maleme, go na le bohlatse bja dikenywa. Bohlatse bo nnoši bo lego gona, ke ge motho a dumela Lentšu le le ngwadilwego. Ge Le hlatsetšwa, sepelang ka go Seetša sa Lona. Jesu o be a le Seetša sa iri ka gore O be a le Lentšu la tshepišo la iri, le go leka go ba botša bjalo, eupša ba be ba le ka leswiswing kudu—kudu go Le kwešiša. Kafao go bjalo, lehono, bjale.

¹⁴⁴ Bjale dibopiwa tša nako, ke renā. Neela ditsela tša gago go Yena, gomme O tla tliša bokamoso ntle gabotse, gobane re no Mmona bjalo ka ge A le ka go Lentšu.

¹⁴⁵ Le Mmoneng a hlatsela Lentšu le le tshepišitšwego lehono. Le a e bona ka go maswao mo ngwedding. Le e bona ka dikerekeng. Elelwang.

¹⁴⁶ “O rile, ‘ka kerekeng,’ seo se amana bjang le kereke?”

¹⁴⁷ Nakwana feela. Ngwedi o emela kereke. Jerusalema ke toropokgolo ya kereke ya go tsebega ya kgalekagale ya go tsebega lefaseng. Melekitsedeke o tšwa go toropokgolo yela; Kgoši ya Salema, Kgoši ya khutšo, Kgoši ya Jerusalema. Yeo ke nnete, toropokgolo ya kgalekgale lefaseng. Gomme yeo e be e le ngwedi, boka moo molao o bego o hlomilwe, gomme fa go tla lephoto le la leswiswi la Bantle le etla godimo ga yona. O rile, “Ke—ke kereke e tla gatekela fase maboto a Jerusalema go fihla lebaka la Bantle le fedile.” Gomme šo yena. Re phela thwi ka go yona. O ya morago, feela ka kgonthé bjalo ka ge leina la ka e le William Branham. Ee, mohlomphegi, re kgona go e bona. O apešitšwe ke moriti, merithpele, o boleletšwepele; o biletša Bakgethiwa ntle. Ba phiphila thwi ka leswiswing, bontši bja bona, ge ba eya go bapa. Go lokile.

¹⁴⁸ Bjale re bona Lentšu la Gagwe le hlatseditšwe. Re a dumela. Ka fao ge A hlatseditše Lentšu la lehono, seo Le lego sona, ke tshwenyegelang ka ga se ngwaga o se tlišago? Ke tshwenyega ka eng e ka ba ngwaga wo o latelago? Ke tshwenyegela eng ge eba ke a phela lehono goba go hwa lehono? Lentšu le lengwe le le lengwe leo A le tshepišitšego le tla hlatsetšwa, le lengwe le le lengwe! Ge A kgona go e dira lehono, ka morago ga go e tshepiša mengwaga ye dikete tše pedi tša go feta; ge e le mengwaga ye dikete tše lekgolo, lehono, Jesu o tla boela lefaseng ka mmeleng wo o bonagalago, bakeng sa Kereke, ye—ye e Lopolotšwego, Monyalwa, gomme a Mo tšea go tšwa ka mo. Go sa kgathale se se tlago, se yago, difešene, ba re “eyang pele,” gomme batho ba ka kgona go phiphila go ya pele ka leswiswing la go felela le go

dumela e ka ba eng ba nyakago go e dumela, eupša Jesu Kriste o tla bowa gape. Ke tshepela bokamoso go Yena, gona. "Morena Modimo, ga ke tsebe se gosasa go se swerego, eupša ke a tseba O swere gosasa."

¹⁴⁹ Lentšu la Gagwe le no ba boka simfoni ye kgolo. Ke ba bakae ba lena ba kilego ba kwa simfoni? Gabotse, yo mongwe le yo mongwe o dirile. Bjale elelwang, simfoni ke ge mmino o ralokwa ka go terama. Ke nagana gore ke na le yeo gabotse, simfoni. "Peter le Phiri," le elelwa seo, kanegelo ya kgale ka fao ba bego ba tlwaetše go . . . ke kwele seo, ka fao ba tšeago meropa le go dira pha—pha phaphadikota e nnyane e thobola, gomme Peter a eya ntle, le go ngautša ga phiri, le go pepenya ga dinaka; simfoni.

¹⁵⁰ Bjale, ge o sa kwešiše simfoni, ke sehlopha se segolo sa rametlae go wena, ge o sa e kwešiše. Le swanetše go kwešiša se e lego. Yohle e dirilwe ka maswao le medumo, eupša e diragatša terama ka go simfoni ye. Bjale, re a lemoga, yo motee a nnoši yo a kwešišago simfoni ke mohlami le bao ba kgahlwago ke go e tseba, ba tseba diphetogo tša yona, ba tseba se se diregago.

¹⁵¹ Mohlami o tseba mosepelo wo mongwe le wo mongwe, go tloga mafelelong go ya mathomong, go tloga mathomong go fihla bofelong. A le be le tseba seo? Yo a e ngwadilego, o hlama ye, o tseba magahlano a mannyane. Ge a tseba magahlano a mangwe le a mangwe, kafao molaodi o swanetše go dira, go e šupetša. Bjale o ya go e phetlela bjang thutotumelo ya gago ka gare? Taetšo ya go fošagala ye nnyane ya lepara lela, leswao lela, leswao le sa bontšhwago gabotse mo magahlanong, le tla folodiša okhestra ka moka, la folodiša simfoni ka moka. Bjale le a tseba seo ke therešo. Mohlami le molaodi ba swanetše go ba ka moyeng wo o swanago.

¹⁵² Ke ka baka leo modiredi le Lentšu la Modimo, Simfoni ye kgolo ya Modimo A bego a e bapala ge e sa le go tloga hlabeng ga nako; modiredi, mo Lentšung, ga se a swanela go lebelela godimo fa le go re, "Ke a dumela se se swanetše go ba; o swanetše go Le dira ka tsela ye." O swanetše go ya ka tsela ye puku ya Mmino e rego e tšee. Yeo ke tsela ye Ebangedi e swanetšego go rerwa, ka tsela ye Lentšu le boleLAGO Le tšee. Le a tseba, ge o ka lahlela thutotumelo ka Kua, o na le selo sohle se hlakahlakane. E swanetše go ya go dira terama feela gabotse tlwa.

¹⁵³ Molaodi o swanetše go ya se mohlami a se boletšego, go itia ntle feela tlwa bjalo, mmino. Bjale šetšang, yohle e dirilwe ka maswao, gomme e swanetše go ba mohuta wa maleba wa leswao, go fa mohuta wa nnete wa modumo.

¹⁵⁴ Paulo o rile, "Ge phalafala e efa segalo sa go se hlake, ke mang a tla itokišetšago ntwa yenamong?"

¹⁵⁵ Bjale le bona Mohlami, Modimo, Yo a ngwadilego Beibele, ka moka mmogo ke kutollo ya Jesu Kriste. O tsebile diphetogo tša nako. Gomme monna, mo—mo molaodi yo a ba šupetšago, leswao

la lebaka, le swanetše go ya feela tlwa ka maswao a Beibele. Haleluya! Nna, nna, nna, nna, nna!

¹⁵⁶ Oo, ngwanešu, kgaetšedi, bothata ke eng ka lefase? Gobaneng ke gafa? Go ne se sengwe sa phošo felotsoko. Simfoni ga e kwanong le lephephe la Mmino! Ba dira thutotumelo ya kereke le se sengwe le se sengwe gape, mola e le Lentšu leo le swanetše go rerwa, go bonagatšwa. Se sengwe sa phošo ka balaodi, gona sehlopha sohle se hlakahlakane, gomme ga ba tsebe ba dire eng. Bohle ba a segiša, “Go diregile eng? Gobaneng o dira *se*? Eng, *se* se a direga? *Se*, seo se diregile bjang?” Ga ba tsebe se ba ka se dirago bjale. Se gašagana, gobane ga se nke ya tla kwanong le Lentšu. Seo ke se e lego bothata ka ya rena, ye re e bitšago, tsošeletšo ya letšatši la mafelelo. Seo ke se e lego bothata ka molaetša wa rena wa Pentecostal. Re tšwile go morethetho le Beibele, re ile gomme re kgatlofaditše boka ba dirile morago fale. O tlogile morethethong.

¹⁵⁷ Modimo, eba le kgaogelo. Ke duma ge nkabe ke na le mantšu ao nka kgonago go E dira e nwelele ka gare, bjalo ka ge go bile, gore ke kgone go e phatlalatša le go E tšhollela ka gare.

¹⁵⁸ A ga le kgone go bona, ngwanešu wa ka, kgaetšedi, e swanetše go ba kwanong? Molaodi o swanetše go ba le Lentšu. Ge O bolela selo se tee, ga o bolele se sengwe gape; e tla fa leswao la phošo, gona selo ka moka se ya ntle ga morethetho. Yeo ke nnete. Lentšu la Modimo ke kwelobohloko ye kgolo, simfoni, a ke re. Ntshwareleng. O swanetše go thoma boka A dirile, ka go Mmino. O swanetše o thome le Yena. Hlokamelang, tsena ka go morethetho wa Lona.

¹⁵⁹ O re, “Gabotse, ke tšoenne kereke.” Yeo ga se morethetho. “Ke dirile bjalo.” Yeo ga se morethetho. “Ke ile godimo aletareng gomme ke—ke rile, ‘Ke a dumela Jesu Kriste ke Morwa wa Modimo.’” Sathane o dira selo sa go swana. Yeo ga se morethetho. Le a bona, o tšwela ka ntle ga peakanyo. Go diregile eng? Mohlomongwe molaodi tsoko o le boditše, “Šikinyang diatla gomme le bee leina la lena mo pukung; tšoena tlelapo ya rena, mokgatlo wa rena.” Lena bohole le ka ntle ga peakanyo!

¹⁶⁰ Ka gona ge selo sa kgonthe se thoma go direga ntle mo magareng ga sehlopha se sennyane, o tla re, “Gabotse, go reng ka *Leo*, ba tšwile kwanong.” Eya morago go Lentšu gomme o bone ke mang a tšwago kwanong. Bona se Modimo a se tshepišitšego. Bona se Mohlami a se boletsego ka Lona.

¹⁶¹ Le a bona, o na le yo mongwe le yo mongwe ka go batheeletši ba gago. Ke ka baka leo lefase le lebeletšego go dikologa. Ge kereke e swanetše go lebelelwā godimo bjalo ka naledi ya go phadima, Seetša seo se dutšego thabeng, seo go sego motho a ka phadimago go se phala, ga go motho a ka go Se sola.

¹⁶² Gomme, lehono, ke sesegiši sa lefase, ka baka la gore balaodi ba tšwile kwanong le Mohlami. Le bona se ke se rago? Ba

kwalakwatša dilo tše di sego ka Fale. Borammino ga ba tsebe ba dire eng bjale; kereke, bohle ba ka go momenekano. Re be re bolela ka dilo tše tšohle, mengwaga yohle, le go e ahlolola, gomme bjale re tšoena thwi ka gare le yona. Oo, se sengwe sa phošo felotsoko.

¹⁶³ Elang hloko, o swanetše go thoma ka Mminong go swana le ge A dirile, go tsena ka morethethong wa Wona, go ya ka go Lentšu le le tshepišitšwego. Bonang ka tsela ye A e dirilego mathomong, le bone ka tsela ye A e dirilego lebakeng la magareng, le bone ka tsela ye A e dirago bjale, ka mehla go a swana.

¹⁶⁴ Šetšang molaodi, ka fao a e dirago. Ge a sa e dire, ge a go šupetša mokgatlo wo mongwe; fao ga se gwa ke gwa ba molaodi a dirilego seo. Molaodi ka mehla o go šupeditše go Lentšu. Baprofeta ba kgale, ba šupile go Lentšu. Ba be ba le Lentšu. Ba phetše Lentšu. Gomme e dirile eng? E bonagaditše Modimo. Seo se tlišitše Lentšu le le ngwadilwego bakeng sa letšatši leo go bophelo, gobane Le tlide go bona. Le utollotšwe go bona. Leo e be e le Leswika la bona. Haleluya!

¹⁶⁵ Jesu Kriste, Lentšu la Modimo, ke Leswika la rena. “Godimo ga leswika le Ke tla aga Kereke ya Ka,” Lentšu la Modimo le utolotšwego. Shalom, go modumedi wa kgontha. Khutšo! Re mo nakong ya bofelo. “Godimo ga Leswika le Ke tla aga Kereke ya Ka,” kutollo ya Lentšu.

¹⁶⁶ Yo motee o rile, “Gabotse, O monna yo mogolo. O bjalo ka Moshe. O monna yo mogolo. O bjalo ka . . .” Yeo ga se yona.

Eupša kutollo e rile, “Wena o Morwa wa Modimo.”

¹⁶⁷ O rile, “Nama le madi ga se tša tsoge tša E utolla go wena, eupša Tate wa Ka yo a lego Legodimong. Godimo ga Therešo ye e utolotšwego ye, Ke tla aga Kereke ya Ka.”

¹⁶⁸ Ke eng? Yena ke Lentšu. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo,” gomme Lentšu e sa le Modimo. Feela Yena, wa go swana lehono, a iponagatša ka Boyena bjalo ka ge A bile; Moshe le Eliya, go ya pele go theoga, le Jesu, gomme Modimo wa go swana lehono, go Mo dira “Jesu Kriste wa go swana maabane, lehono, le go ya go ile,” Bahebere 13:8. Le a bona, ga se nke ba ke ba go šupetša sehlopha. Ba go šupeditše go Motho, ba go šupeditše go Lentšu, Modimo.

“Ke thoma kae, Ngwanešu Branham?”

¹⁶⁹ Mo Sefapanong, thoma kua Sefapanong le Yena. “Sokologang, dumelang Lentšu,” seo ke se Beibele e se boletšego. Ka gona latela go kgabola morethetho wa lohle la Lentšu.

O re, “Gabotse, ke tla dira eng?”

¹⁷⁰ Nno tšwelapele go latela morethetho wa Lentšu. Ge “sokologang” e le selo sa pele, ka go lemogeng, dirang seo, yeo ke kgato ya lena ya mathomo. Bea kgato ya gago ya go latela moo

Lentšu le bolelago. Pele, pele le pele, gomme o matšetše pele le Yena.

¹⁷¹ O se kgaole morethetho ge eba o le karolo ya Simfoni ya Modimo. O se kgaole morethetho wa Lentšu. Se botšiše, “Gabotse, gobaneng? Gobaneng *se* se diregile? Ke se lekile, Ngwanešu Branham, gomme, ge ba nthakile, le tseba se ke se dirilego? Ke nyakile ke no bolawa ke tlala.” O se botšiše gobaneng. O tseba morethetho, ka fao o swanetšego go fetoga, le magahlano a o nago le ona go dira, ee, mohlomphegi, gobane Go ngwadilwe. O tseba tšohle ka ga Lona. O tseba morethetho. Se botšiše gobaneng. Le dumele!

¹⁷² Modimo o theogetše tlase go kgabola nako ya histori, le Lentšu la Gagwe le le tshepišitšwego, ka go lebaka le lengwe le le lengwe, gomme ga se nke la palelwa (go roba) morethetho, ka Maatla a Modimo, ge La etla go batho ba ba hlaotšwego le go hlatselwa. Morethetho wa Lentšu la Gagwe ka matšatšing a Noage, morethetho wa Lentšu la Gagwe ka matšatšing a Noage, ka matšatšing a Moshe, ka matšatšing a Eliya, ka matšatšing a Johane, ka matšatšing a Dafida, ka matšatšing a Jesu, go ya pele go theoga, O boloka morethetho wa Lentšu, thwi go ya pele go theoga, ga se nke a Le roba. O theogetše tlase thwi go kgabola histori. Gomme Peu ye e kgethilwego, yeo e Le bonego le go Le dumela, ya wela thwi ka go morethetho woo le Lona.

¹⁷³ Ba bangwe ba re, “Gabotse, eupša kereke e re . . .” Seo ga se na le selo go dira le Lona. Ga se wa tswalwa go dira seo.

¹⁷⁴ O tswalelwka go Lentšu, gobane o tswaletšwe ka go Kriste. Kriste ke Lentšu, ee, mohlomphegi, yo mongwe le yo mongwe mo lebakeng la lona.

¹⁷⁵ O re, “Gabotse, ke tla no go botša, Ngwanešu Branham, nka se kgone go lebelela pele.”

¹⁷⁶ Gona lebelela godimo. Modimo o tshepišitše, ge le ka lebelela godimo, la Mmona; shalom, khutšo, khutšo ya Modimo e a go khutšiša.

¹⁷⁷ O re, “Gona gobaneng ba bangwe ba dira metlae ka nna, Ngwanešu Branham? Le a tseba, ba bangwe ba dira metlae ka nna, gomme ba re ke—ke na le ‘moriri wo motelele,’ ke ‘fešene ya kgale,’” go basadi. Monna, “Ka gobane ke dumela Beibele, ‘Ga o sa na kopanelo le rena gape. Re ka se kgone go go amogela gobane gore—gore o dumela se *sebjalobjalo*.’”

¹⁷⁸ Gomme le a tseba ke tlwa ka tsela ye Lentšu le ngwadilwego. Modimo o tlemegile go wena, go thekga Leo gona. Ka kgonthé o a dira. Ga go tshwenye ka seo, gobaneng ba bolela go dira motlae. Modimo ke Modimo wa lehufa. Elelwang, go tlaišega bakeng sa Lentšu la Gagwe ke mahloko a go gola a mogau wa Gagwe. Ge o tlaišega bakeng sa Lentšu la Gagwe, e no ba mahloko a go gola.

¹⁷⁹ Le tseba ka fao segotlane se sennyane, lesome, mengwaga ye lesomepedi bogolo, o ba le mahloko. O tla ka gare, a re, “Mama, matsogo a ka a bohloko gomme maoto a ka a bohloko,” le go ya pele. Ke mahloko a go gola. Go laetša gore o na le divitamine tše botse. O a gola.

¹⁸⁰ Gomme ge yo mongwe a thoma go dira metlae ka wena, a re, “O fešene ya kgale. Mo lebelele, o . . . Oo, ke tla go botša, o be a le . . .” Go lokile, nno elelwa, ke mahloko a go gola. Yeo ke tlhomaro yela e go loketšego. Ke mahloko a go gola.

¹⁸¹ Oo, ee, O dumelela difapano le makopano a ditsela le magahlano. Ka mehla o dira seo, gore a re phethagatše bakeng sa tirelo ya Gagwe. O dumelela dilo tše go direga. Ga le kgone go kwešiša seo? O dira seo gore A kgone go le phethagatša bakeng sa pitšo ye A le bileditšego yona. Ao ke mahloko a gago a go gola. O dirile Daniele ka tsela yeo, le a tseba.

¹⁸² O dirile bana ba Bahebere, ka leubeng la mollo. Leuba la mollo le dirile eng? Leuba la mollo le kgaotše feela ditlemo tše di bego di ba tlemile. Seo ke sohle leuba le se dirilego, go no tšhuma go tlemolla ditlemo.

¹⁸³ Dinako tše dingwe go tšeа meleko go kgaola ditlemo tša lefase go tloga go rena, go le ntšha ka lefaseng. Go ka no ba, go swanelia go go ntšhetša ntle ga thutotumelo ya gago, pele. Go swana le monna a nwelela ka nokeng, o swanetše go mo tšeа go tšwa nokeng pele o ntšhetša noka ka ntle ga motho. Yeo ke tsela ye Modimo a swanetšego go dira nako ye nngwe. A nke ba go lahlele ntle, nako ye nngwe, gona ba ntšha lefase ka ntle ga gago. Swanetše go—swanetše go go ntšha ka lefaseng, pele. Dinako tše dingwe mahloko a a go gola ke wona a dirago seo. Oo, ee.

¹⁸⁴ Modimo o ema godimo ga Lentšu le le tshepišitšwego ngwaga wo mongwe le wo mongwe wo moswa. O ema godimo ga Lona, ngwaga wo, go phethagatša se A se tshepišitšego ngwaga wo. E ka ba eng e lego, ke nyaka go ba thwi mo bogareng bja thato ya Gagwe ka moso, boka ba dirile.

¹⁸⁵ Boka Abraham, ge a kopane le magahlanatsela a gagwe, o be a sa tsebe o tla e dira bjang. Modimo o mmoditše, “Ke ya go go fa morwa.” Mengwaga ye masomepeditlhano o e letile. Mafelelong morwa a tla, ka gona Modimo o rile, “Bjale, ka morwa yo, ke ya go go dira tatago ditšhaba tše ntši. Mo tšelee kua godimo gomme o mmolae. Mo tšeа gomme o mmolae,” a senye sona selo seo a se letetšego mengwaga ye masomepeditlhano. “Mo tšelee godimo gomme o mmolae.”

¹⁸⁶ Abraham ga se a ke a tshwenyega. Ga se ya ke ya mo tshwenya. O topile dikgong gomme a di bea godimo ga tonki ye nnyane, gomme a tšeа morwa wa gagwe. O mo tšeetše godimo ga ntlhora ya thaba, go mo neela, gobane Abraham o tsebile gore o mo amogetše bjalo ka yo a tšwago bahung. Popelo ya Sarah e be e hwile, o be a le moopa, kafao go be go se tsela.

Gomme mošemane . . . O be a le bogolo bja mengwaga ye lekgolo, gomme o be a le masomesenyane, kafao o tlide ka Lentšu le le tshepišitšwego. Modimo wa go swana yo a dirilego tshepišo, o rile, “Ke tla go dira tatago ditšhaba,” ka morago ga mengwaga ye masomapedithlano, gomme go beng mengwaga ye lekgolo bogolo, yena le mosadimogatša wa gagwe ba amogetše ngwana. Ge Modimo a mmoditše go mo neela, Modimo o be a kgona go mo tsoša. Amene.

¹⁸⁷ Tumišang Modimo, baena. Ke ikwela gabotse. Ke ikwela bodumedi. Kafao ke ikwa gabotse bjang! Ke tseba selo se tee se, O kgona go mo tsoša gape. Re tla ema godimo ga Lentšu lela la go se otšwafatšwe la Seetša sa iri ye! Modimo o tla re tsoša ge moloko wo o etla pele, bjalo ka Dietša tše di phadimago kgahlanong le moloko wo. Amene.

¹⁸⁸ Ga go makatše ge A rile, “Kgosigadi ya Borwa e tla tsoga ka Kahlolong, le moloko wa gagwe, le go ahlola o motee yo; ka gore o tlide go tšwa dikarolong tsa kgolekgole tša lefase, go kwa bohlale bja Salomo, gomme, bonang, yo mogolo go feta Salomo o fa.” Ka fao kgošigadi ye mynyane yela, tlasetlase, mohetene, o bone Seetša sela, gomme a tla dimaele go kgabola leganata, dikgwedi tše tharo ka mokokotlong wa kamela, go kwa bohlale bja Salomo, gomme bona ba eme thwi fale, le Salomo a le sekai, seswantšho sa Gagwe.

¹⁸⁹ Gomme ka gona go tla le go bona Wesley, Luther, bohole ba bangwe, dikerekemaina morago kua, go beng seswantšho le sekai sa se se diregago bjale, gomme ba sepela thwi go Le kgabola. Oo! Go lokile.

¹⁹⁰ Ka gore, kafao ngwaga wo moswa o beakantšwe ke Modimo, nno ikemišetša go dula ka go Lentšu la Gagwe. Sepela moo Lentšu le rego sepela, ge re etla bjale go tswaleleng, go swana le ba bangwe, Peu ye e kgethilwego e dirile ka letšatsing la bona ge ba bone Lentšu. Ba e dirile eng? Ba sepetše ka go Lona, ge ba be ba le Peu ye e kgethilwego ka go mabaka a mangwe, gobane ke Yena Lentšu la go se šitwe. Ke ba bakae ba dumelago gore Jesu Kriste ke Lentsu? Oo, nna!

¹⁹¹ Ke kwele lenaneo letšatši le lengwe, la kerekeleina ye e itšege ya batho, Mna. H. M. S. Richards o rile o “ngwadile puku ya ngwaga.” Ga ke nyake go ganetšana le monna boka yola. Le ge, go beng Moseventhday Adventist, ga ke dumelane le thuto ya Seventhday Adventist, eupša ka kgonthe ke rata monna. Eupša ke tla ganana le yena. Yeo e ka no ba puku ya H. M. S. Richards bakeng sa ngwaga wo moswa.

¹⁹² Eupša Puku ya ka le Puku ya gago, bakeng sa ngwaga wo moswa, ke Puku ya ngwaga wa kgale, Beibele, Lentšu la Modimo. E no Le dira le phele go se Le tshephišitšwego go se phelela. Ee, mohlomphegi. Gomme ngwaga wo mongwe le wo mongwe o tlagoo tla, le ngwaga wo mongwe le wo mongwe woo o bilego, Ke

Modimo wa ka Gosafelego a phela ka Lentšu la ka Gosafelego le A le boletšego, ge Therešo ye nngwe le ye nngwe ya Beibele le tshepišo ye nngwe le ye nngwe ka go Yona e hlatseditšwe, bjalo ka ge e bile tlase go kgabola mengwaga.

¹⁹³ Ka fao Modimo a tshepišitšego gore O tla senya lefase ka meetse, gomme O le hlatseditše ka Moshe... goba ka Noage.

¹⁹⁴ O tshepišitše gore O tla romela molokolli, le go tliša Israele godimo go tšwa Egepeta; ba be ba diiletše lebaka la mengwaga ye makgolonne. O dirile feela seo tlwa.

¹⁹⁵ Gomme O enne gore O tla tsoša Dafida, le ka fao Dafida a tla bago mo—mo morwa; Kriste o tla ba morwa wa gagwe, ka Dafida go tla tla Kriste. Kafao A ennego gore O tla dira seo; O dirile feela seo.

¹⁹⁶ O tshepišitše gore O tla romela Johane Mokolobetši, pele ga go tla ga Jesu Kriste. O dirile feela seo.

O tshepišitše gore O tla romela Mesia. O dirile feela seo.

¹⁹⁷ O tshepišitše gore lefase le tla tsena ka go sehlopha se segolo sa mekgatlo gomme la dira tshepedišo, maatla, a tsebjago bjalo ka sebata, gomme a tla ba godimo kua a dutše godimo ga dithaba tše šupago. E dirile feela seo tlwa.

¹⁹⁸ Ka fao kereke e tla bego e ba hlomere, go iša lehung! Ba dirile feela seo tlwa.

¹⁹⁹ Ka fao ba tlago go tšwela ntle ka go mpshafatšo! Ba dirile feela seo tlwa. Ka fao A tshepišitšego ka go lebaka le lengwe le le lengwe e tla ba!

²⁰⁰ Gomme O tshepišitše go lebaka le. Gomme šo Yena, lehono, o dira Lentšu lela go phela, feela tlwa boka A dirile mo mathomong. Ka kgonthe.

²⁰¹ Gomme ge tshepišo ye nngwe le ye nngwe e phethagaditšwe, “lehu le meditšwe ka phenyo,” Jesu o tla tla; gomme ya mafelelo e hlatsetšwe, ka gona fao go tla tla khutšo ya ka Gosafelego godimo ga lefase, le shalom ya ka Gosafelego. Shalom ya Gosafelego, khutšo, e tla khutša godimo ga lefase.

²⁰² Ge Jesu a tlide, Mokgoma wa Khutšo, gobaneng go be go se khutšo? Gobane Lentšu lohle le be le se la phethagatšwa letšatšing la Gagwe. O a Le phethagatša lehono. Eupša ge Lentšu la Gagwe lohlele le tshepišitšwego, leo e bego e le kgopolو ya Modimo...

²⁰³ *Lentšu* ke “mogopolو ge o hlagišitšwe.” Modimo, ka monaganong wa Gagwe, o Le naganne, le go Le hlagiša ka baprofeta ba Gagwe, gomme bjale Le swanetše go phethagatšwa. Gomme, ge, A re boditšepelé ka dilo tše gore re se dire phošo le go foša leswiswing gona, ge re e bona e phethagatšwa.

²⁰⁴ Bjale, O tshepišitše go romela Kriste lekga la bobedi. Gomme neng le neng ge A dira, ge Kriste a etla lekga la bobedi, go tla ba le shalom ya Gosafelego.

²⁰⁵ Theetšang, bagwera, ge re tswalela. Elelwang, Beibele ke mothopo wa bohlale bjhohle. Ga E tšwe go Ngaka, Ph.D., LL.D. E tšwa go Lentšu la Modimo.

²⁰⁶ Go be go le Dingaka tša Bokgethwa di dutše fale, ka makgolo, gomme Mošemane yo monnyane wa mengwaga ye lesomepedi a ba biletša fase, ka gore O be a le Lentšu. Mošemane yo monnyane o be a se ne thuto le gatee, efela O be a le Lentšu. Gobane O be a le Seetsa se boletšego bakeng sa letšatši lela, O be a bonagatša Lentšu lela. Lentšu le be le ka go Yena. Le be le swanetše go ba. Ga go makatše se A se boletšego se etla go phethega, gobane O be a le Lentšu. Le a kwešiša? Bohle ba ba kwešišago, e reng, "Amene." [Phuthego e re, "Amene."—Mor.] O be a le Lentšu.

²⁰⁷ Elelwang Beibele, e sego puku tsoko ya ngwaga ye e ngwadilwego ke motho. "A nke lentšu la motho yo mongwe le yo mongwe e be maaka, eupša la Ka Therešo."

²⁰⁸ Le ditumelothoko le mabodumedi, le—le go ya pele, tšohle di no e dira go hlakahlakana kudu ge o hwetša sehlopha sa motho ka go Lona. Modimo ga se a ke a mekamekana ka go sehlopha se sebjalo. Ge Jesu a ka tla lehono, a A ka tšeа lehlakore le Mamethodist, le Mabaptist, le Maadventist, Hlatse ya Jehofa, Saense ya Bokriste, Mapentecostal, Mapresbyterian? Aowa, mohlomphegi. Ka kgontha A ka se ke.

²⁰⁹ Ke taba ya motho ka motho, wena le Modimo. Ga go monna ba babedi ba bonago leihlo ka leihlo, mmogo go swana; ga go megogorupo ye mebedi ya go swana. Modimo o mekamekana le motho ka motho. Gomme o tseba bjang ge eba o a rereša goba aowa? Gona lebelela morago gomme o bone ge eba o ne Lentšu. Ge a na le Lentšu, gona Modimo o mekamekana le yena; ge a se, se sengwe gape se mekamekana le yena. Le a bona? Ÿeo ke nnete.

²¹⁰ Elelwang, Beibele ke mothopo wa bohlale bjhohle, gomme o swere dikholfelo tšohle tša bokamoso ka go Yona. Shalom, khutšo ya Modimo!

²¹¹ Go swana le ge kanegelo e boletšwe nako ye nngwe, ka mošemane yo monnyane a lahlegetšwe ke tatagwe pele ga ge a eba yo mogolo go lekanelo go bona tatagwe; feela leseasea ge tatagwe a ehwa. Letšatši le lengwe o bile e ka ba lesome, bogolo bja mengwaga ye lesomepedi. O be a na le ngwanabo yo mongwe, a bitšwago John. O ile go ngwanabo, gomme a re "Uh, John," a bego a le mengwaga ye mmalwa ka bogolwane, a re, "a o, a o gopola papa?"

O rile, "Ya."

O rile, "O be a bogega bjang?"

²¹² O rile, “Gabotse, o be a le monna yo motelele, gomme o be a le monna yo mokaone kudu. Ka mehla o be a lokile go mme, gomme o be a le botho go—go nna, gomme o be a le botho go yo mongwe le yo mongwe.”

O rile, “Gabotse, a ke sohle o se tsebago ka yena, John?”

²¹³ O rile, “Gabotse, ke tla go botša.” O rile, “Henry,” o rile, “yo mongwe le yo mongwe o bolela gore ke—ke lebega boka yena.” Gomme o rile, “Yo mongwe le yo mongwe o bolela gore ke na le tlhago ya go swana le yena.”

²¹⁴ O rile, “Oo, seo se lokile! Ke seo ke nyakago go se tseba.” A re, “Ge ke go bona, ke bona papa wa ka.”

²¹⁵ Šeo yona. Ge le—le lefase le bona Jesu Kriste, e tla ba ka go lena, ge Lentšu le leo le ngwadilwego la lehono.

²¹⁶ O bona Jesu kae ka go Dafida? Ge Lentšu le dirilwe go bonagala ka yena.

²¹⁷ O bona bjang Kriste, Modimo ka go Eliya, ka go koloi yela e yago ka Legodimong, o bona Jesu ka go Eliya? Ka gore, Lentšu le hlatseditšwe.

²¹⁸ O Le bona bjang ka go Moshe? Jesu o be a le ka go Moshe. Beibele e boletše bjalo. Le a bona, yeo ke nnete, O be a le sethogkwa se se tukago seo se bego se ne Moshe ka lešokeng.

²¹⁹ Batho ba tla tseba bjang Jesu Kriste? Ge bona, yena, ba Mmona ka go wena, ge ba bona Jesu ka go wena. Ka gore, O rile, “Mediro ye Ke e dirago le tla e dira le lena. Ye megolwane go feta wo le tla e dira, gobane Ke ya go Tate wa Ka.” A yeo ke nnete? Woo ke mokgwa wo bona, lefase ba tsebago.

²²⁰ E sego ka gobane gore Pentecostal Oneness ke ye kgolokgolo go feta Pentecostal Twoness, goba Motwoness ke yo mogolwane go feta Mothreeness, goba e ka ba eng le nago; e sego ka gobane Methodist ke ye kgolwane go feta Baptist; goba Southern Baptist go tšeeng sefoka ngwaga wo bakeng sa tšohle di—dikereke tšohle tša Baptist, Maprotestant ohle. Ba na le maloko a mantši ngwaga wo go feta e ka ba mang wa bona ka moka, ke a kwešiša, ka palo. Seo ga se ba dire go fapano go itšego. Modimo ga a le tsebe ka dipalo. Bahetene ba a le feta ka palo, nako e ka ba efe. Makatoliki a ne lena bohole. Bomohammedan ba ne bona bohole. Le a bona?

²²¹ O tsebja ge Jesu Kriste a phela ka go wena, ka Bophelo bja Gagwe, le Lentšu le le tshepišitšwego la letšatši le le iponatša ka Bolona. Le a bona?

²²² Bjale Lentšu la go swana le le bonagaditšwego ka go Moshe le be le ka se kgone go bonagatšwa ka go Eliya, gobane leo e be e le letšatši le lengwe. La go swana leo le bonagaditšwego ka go Noage le be le ka se kgone go ba ka go Moshe, ka gore, le a bona, Noage o agile areka, Moshe o etetše batho pele, feela tlwa se se bego se tshepišitšwe. Seetša sa go swana se bonagaditšwego

ka go yo motee, se be se se ka go yo mongwe, eupša yo motee o boletše ka yo mongwe.

²²³ Testamente ye Mpsha yohle e bolela ka iri ye. Jesu Kriste o bolela ka iri ye. Ke mang, gona, monna tsoko? Ke Jesu Kriste, Morwa wa Modimo, a bonagatša, a bonagatša Seetša godimo ga Lentšu leo A le tshepišitšego go letšatši le.

²²⁴ Ge motho a go bona o phela boka Yena, ge a bona semelo sa gago le boitshwaro bja gago le Lentšu feela tlwa boka A bile, Lentšu le bonagatšwa, gona motho o tla bona Jesu Kriste. Ba ka se swanele go lebelela tikologong e ka ba kae gape, ba re, “Thutotumelo *ye* e ruta eng, thutotumelo *yela* e ruta eng?” Ba tla tseba se Modimo a lego ge ba bona.

²²⁵ Shalom, khutšo ya Modimo e be Seetša godimo ga lena! Gomme ge Lentšu la Modimo le hlatselwa ka go lebaka le, ka go felela, gomme o a Le bona gomme wa Le dumela, shalom go wena!

²²⁶ Lebanya ngwaga wo moswa ka se, Mmee bjalo ka ge Dafida a rile, “Ke tla Mmea pele ga ka ka mehla. Ka gore O ka seatleng sa ka se setona, nka se šuthišwe.” Ge o kopana le lehu ngwaga wo, ke phapano efe lee dirago? Modimo o tshepišitše O tla go tsoša. Ge kotsi e go bolaya, ke phapano efe e e dirago? O na le Bophelo bjo Bosafelego, “Ke tla mo tsoša ka matšatšing a mafelelo.” Amene. Go ka reng ge e ka ba eng e direga? Ga go kgathale se e lego, ga se gona se ka re aragonantshago go tloga go lerato la Modimo, leo le lego ka go Kriste. “Tlala, kotsi, tlhobolo, ga go kgathale se e lego, ga se gona se ka re aragonantshago go tloga go lerato la Modimo, leo le lego ka go Kriste.” Gomme Yena ke Lentšu. Shalom!

²²⁷ A re inamišeng dihlogo tša rena. Bjale yo mongwe le yo mongwe eyapele hlogo ya gago e inamišitšwe feela nakwana. Khutšo ya Modimo!

²²⁸ “Kgotlombo . . .” [Ga go selo lefelong la theipi—Mor.] “Bjalo ka ge go bile matšatšing a Noage, moo ba bego ba eja, ba enwa, ba nyala, ba nyadišwa,” Reno, Nevada, le lefase ka moka la lebone le lehubedu, “go tla ba bjalo mo go tleng ga Morwa wa motho.”

²²⁹ “Bjalo ka ge go bile ka Sodoma,” moo Modimo a bonagaditšwego ka go Sephedi sa motho seo Abraham a se biditšego Elohim, Yena wa go lekanela moka; o eme kua, a ja nama, a nwa maswi, le borotho; gomme o kgonne go bolela se Sarah a bego a se nagana ka morago ga gagwe, ka morago ga Gagwe, ka tenteng. O rile, “Seo se tla bowa gape mo go tleng ga Morwa wa motho.” “Lebakana le lennyane, gomme lefase le ka se Mpone gape; efela lena le tla Mpona, gobane Ke tla ba le lena, ebile le ka go lena, go fihla bofelong bja lefase.”

²³⁰ Bajuda ba boela nageng ya bona. Dilo tše di diregago, tše di lego ka letšatšing le, di tla nthibela seripatsela go thoma go le

botša se se diregago, eupša re a se bona. Ke eng? Lentšu le dirilwe go bonagala.

²³¹ Le nagana gore Bahebere ba dirile eng ge ba bone Lentšu le dirwa go bonagala, ka tshepišo? Ba itokišeditše go tlogela naga.

²³² Ge o se wa lokela lehono, mogwera, thoma ngwaga wo moswa wo ntle gabotse, o thome ka seatla sa gago ka seatleng sa Modimo, Lentšu la Modimo ka pelong ya gago, o re, "Morena Jesu, ga ke tsebe gore ke karolo efe ya Simfoni ye yeo O nyakago ke e bapala, eupša go ge magahlano ale a ntlela go hlomarwa, go segwa, go dirwa motlae, ke sa tsea go ema ga ka gore Simfoni ya Gago e ka se hlakahlakane godimo ka baka la ka. Ke tla dula thwi le Lentšu la Gago, ga go kgathale se Le lego. Ke tla dula thwi fao. Gomme ge lehu le rethetha godimo go lebati la ka, yeo ke karolo ya Simfoni. Ke a tseba gona, gore, feela ka kgonthe bjalo ka ge e fentše lehu godimo go lebati la ka, tsogo e tla betha ntle le lengwe la matšatši a, le yona, gomme O tla ntsoša gape. Ke karolo ya Simfoni ya Gago. Morena, a nke ke be karolo lehono, a O ka?"

²³³ Ke ba bakae ba tla ratago go tsea keno yela, le go re, "Go thoma ngwaga wo moswa wo, Ngwanešu Branham, go thoma kopianong ye, gonabjale, bjale ke tshepiša Modimo, go tsea go ema ga ka, go se tsoge ka šitwa go dula thwi le Lentšu la Gagwe le le tshepišitšwego, le go phela feela tlwa ka tsela ye A e tshepišitšego, ka bonolo le boikokobetšo; gore Modimo a tsee bophelo bja ka le go bo bea ka go Simfoni ye kgolo ya Gagwe, gore seholpha selaa go swana O tla se tsosa mo matšatšing a mafelelo. Ke ya go phagamiša seatla sa ka, Ngwanešu Branham, e sego go wena, eupša go Modimo. O nkgorole ka thapelong"? Modimo a le šegofatše, mogohle. Morena a le šegofatše. Diatla tša ka di godimo, le tšona.

²³⁴ Morena, ntšee. Morena Modimo, o se tsoge wa ntesa ka hwetša monagano wa ka, boka Judase, godimo ga tolara ya tlaleletšo, godimo ga fešene tsoko ya lefase, goba yo mongwe go go phaphatha ka magetleng, le gore, "Oo, Ngwanešu Branham, yo ke . . ." Aowa, aowa. Modimo, se dumelele seo go direga go nna. Ke tla no tsea tsela le ba ba sego nene ba Morena ba nyatšiwago. Ke tla ba ngwanešu go motho, ka dira se sengwe le se sengwe nka kgonago, Morena, ka rata batho ka pelo ya ka yohle. Eupša, Morena, o se tsoge wa ntesa ka šutha go tloga go Lentšu le. Ke nyaka go tsoga mo letšatšing la mafelelo. Gomme feela bao ba akareditšwego ka go Simfoni ye kgolo ye, Morena, bjalo ka ge ke lekile go e hlaloša morago ga sekglela se, bao ke bona ba tlago pele mo bofelong bja—bja papetlana ya mmino, ge tsogo ye kgolo, le Barongwa bohole ba phaphatha diatla tša bona gomme bakgethwa ba eya go matšetša ka gare. Ke bao ba diragaditšego karolo yela ka go terama ye kgolo ye re e bapalago, rapela, Morena.

²³⁵ Re a tseba gore ka go terama ba fetola dimaseke, ba tšwa go selo se tee go ya go se sengwe, gomme seo ke se O se dirilego. O tšwa go Moya, Modimo, Jehofa yo Mogolo, gomme wa apara maseke wa motho, o fetotše la Gago—la Gago—la Gago lebopo; O fetogile. O hlomile tente ya Gago. O tlide fase go tšwa go Modimo, gomme wa ba motho, gore O ke o hwe go lopolla motho. O fetotše maseke wa Gago.

²³⁶ Ka gona gape O o fetotše, gomme O iphuthetše Wenamong ka go batho ba ba tla dumelago le go diragatša go ya ka Lentšu leo O le ngwadilego fa. A lehlogenolo ke mahlo a a Le bonago, go lehlogenolo dipelo tše di Le amogelago, go lehlogenolo ditsebe tše di Le kwago, ka gore go tla tla tsogo ge Simfoni e fedile. Modimo, a nke bohle re be fao, a O tla? Šegofatša sehlopha se sennyane se.

²³⁷ Go bolela ka mokgwa wo, Tate, re a tseba gore theipi ye e ya gohle godimo ga lefase. Gomme sese se sekaone, sehlopha se sennyane se dutše fa lehono, batheeletši ba ba bonalago fa ka Phoenix. O Modimo, mengwaga ye lesometlhano ya theroye thata le go kgadimola, gomme, Modimo, Wena o tseba lebaka, lerato! Lerato le—le a sola. Lerato le—le a kgala. Lerato le a thupiša.

²³⁸ O Modimo, a nke ke itahlele ka bona le batho ba beke ye, gomme a nke O re thupiša, Morena, go Lentšu la Gago. A nke re bone maatla a Gago a tsošetša balwetši godimo le batlaišwa, mahlo a difofu a bulega, Moya wo Mokgethwa wo mogolo o tlide ka go bonagala ka kamoreng. A nke modiredi yo mongwe le yo mongwe le kereke ye nngwe le ye nngwe e tuke mollo. A nke khonferense ye e tlago ya borakgwebo, Morena, e bee pelo ya rakgwebo yo mongwe le yo mongwe, ka toropongkgolo ye, e tukela Modimo. E fe, Morena. Ga re tsebe se re ka se dirago ka yona, go no feta go kgopela le go dumela gore e tla dirwa. Re neela borena go Wena, ka Jesu Kriste, Morena wa rena.

Gomme bjale a re emeng ka maoto a rena.

²³⁹ Ke modiidi wa polelo, go se bitše mantšu a ka gabotse, gomme ke nyaka go bolela se gobane ke ikwetše ke gapeletšega go se dira. Ke ba bakae ka fa le tla emišago seatla sa gago, gore o kwešišitše se ke bego ke se ra ka “Simfoni ya Modimo”? Phagamiša seatla sa gago. Ke a go leboga. Gabotse. A o a e dumela?

²⁴⁰ Gona, ke Simfoni, le a bona. O tla hwetša E tla magahlanong, yo mongwe le yo mongwe o makala gohle. Ke e bitša magahlano. Ga ke tsebe mmino; rammino ka fa, gobaneng, o tla—o tla ntshwarela bakeng sa tsela ya ka ye šoro. Eupša, ke, ba a rethetha ntle, ba swanetše go ba le se sengwe go se dira. E tla ya fase ka kgonthe, tlasettlase, o makala se E lego; eupša, le a bona, ge o tsena ka go morethetho wa Yona, o a E kwešiša. Yeo ke tsela

e nnoši o ka tsogego wa kwešiša Modimo, ke go tsena ka go morethetho wa Lona.

²⁴¹ “Ke eng Yona? Ke tla dira bjang? Ngwanešu Branham, ke no ba therešo bjalo ka Methodist, Baptist, goba Pentecostal.” Yeo ga se morethetho.

²⁴² Morethetho ke Modimo. Modimo ke Lentšu. Lentšu ke Modimo. Morethetho wa Modimo, ke, go obamela Lentšu la Gagwe. Gona ge o obamela Lentšu, O betha morethetho thwi go wena, gona o tšeа lefelo la gago. Neng kapa neng ge Le eya fase, fase, fase, godimo, eng kapa eng Le lego yona, le tseba magahlano ao.

Dinako tše dingwe o re, “Oo, mahloko a pelo le diteko!”

²⁴³ A Modimo ga se a re, “Dilo tšohle di šomela mmogo go iša go tše botse go bona bao ba Mo ratago, ge Ke sa rethetha Simfoni ya Ka”? Gomme o hwetša gore gona o a tlaišega le go rathelwa fase, le go hlomarwa, go dirwa metlae. Elelwang, yeo ke karolo ye e yago ka tsela yeo. Ge seo se se ka mokgwa woo, gona Simfoni e tšwele tšuneng.

²⁴⁴ Mohlami yo mogolo o tseba tlwa se se lego ka go yona. O a tseba. O go tsebile, go tloga mathomong. O beile leina la gago godimo ga Puku ya Kwana ya Bophelo, pele ga motheo wa lefase. A o dumela seo? O tseba se o swanetšego go se dira. Ga go kgathale e ya fase bjang, le go bonala leswiswi gakaakang, go swanetše go ba ka tsela yeo.

²⁴⁵ Eupša, elelwang, ge e eya thwi ka go meriti ya lehu, “Ke nna tsogo le Bophelo; Ke tla mo tsošetša godimo gape.” Gomme ge Molaodi mogolo a etla fase le go rwala phata yela, gona, “nako e ka se sa ba gona.” Ge Morongwa yola, wa Kutollo tema ya 10, a bea leoto le tee nageng gomme le letee lewatleng, le molataladi godimo ga hlogo ya Gagwe, O enne, “nako e ka se sa ba gona.” Ge nako yeo e etla, le tla tsoga go tšwa magareng ga bahu. Ge ka moka bona ba robetše kua, le tla ya ka gare.

²⁴⁶ Dula ka go Simfoni. Dula ka go Lentšu la Modimo. Ga go kgathale ke mo go thata gakaakang, dula thwi le Lona, e ka ba kae Modimo a rethethago.

²⁴⁷ Dinako tše dingwe O hlola bothata go roba ditlemo, go go lokolla. O dira seo. O re, “Gabotse, ga ke tsebe se ke tla se dirago.” Yena o a dira. Phapano efe? O no ba—o no ba o raloka karolo. Ke Yena a go swerego ka seatleng sa Gagwe. O a go šupetša.

²⁴⁸ Elelwang, yohle e dirwa ke leswao. Re bona nako ye re phelago ka go yona, ka leswao le re phelago ka go lona, kafao re tseba se Simfoni e se dirago lehono. Ke nako ya go aroganya, go tšeа Seetša go tloga leswiswing.

²⁴⁹ A re e boleleng mmogo, gore le se e lebale, gobane ke ikwela go bolela se: “Go tšeа Seetša go tšwa leswiswing.” A re e boleleng gape: “Go tšeа Seetša go tloga leswiswing.”

²⁵⁰ Yeo ke Simfoni ya Modimo. O e bontšha magodimong. O e bontšha godimo ga letlapantsho. O e bontšha ka Yenamong. O e tshepišitše ka go Lentšu. Re e bona e hlatselwa. O aroganya korong go tloga gó mooko. O tsea Seetša go tloga go leswiswi.

²⁵¹ A o a Mo dumela, a pelo ya gago yohle e tla dira? A re opeleng pina ya rena ye botse, gona.

²⁵² Gomme ke nyaka go bolela lentšu go badiša, motsotsotso feela. Baena, Morena a le šegofatše. Ke a le leboga bakeng sa go phatlalatša diphuthego tša lena le go di tliša ntle fa. Go lena badiša ntle kua, ka nneta ke a le leboga. Ke no ba fa . . .

²⁵³ A nke ke re, baena, go ka no ba le Mamethodist, Mabaptist, Presbyterian. A le a kwa, ke bolela feela go swana go Mapentecostal bjalo ka ge ke dirile go lena? Go no swana, le a bona. Ga se . . .

²⁵⁴ Ge nka se kgone go ganetša monna, ka bogale, gomme ke sa mo rata . . . Ka gore, ge ke ganana le yena, go no se dumelane, ke moikaketši; ga ka swanela go ema godimo fa. Eupsa ge ke sa dumelane le yena ka lebaka la kopanelo le lerato le kwešišo, ga go kgathale se a se dirago, o sa le ngwanešu yo boholokwa. Ke ema le yena. Ee, ka nneta. Yeo ke nneta tlwa. Ge seo se se ka pelong ya ka, gona Modimo nntšhe go tšwa phuluphithing ye, ga ka swanela go ba fa. Yeo ke nneta. Ke e bolela ka lebaka la lerato, le se sengwe seo ke bonago se etla. Gomme ga se nke A ntumelela go ba phošo ka yona, bokgole bjo, gobane ka mehla e bile Lentšu la Gagwe. Kafao, Modimo a le šegofatše.

²⁵⁵ Bjale a re inamišeng dihlogo tša rena nakwana feela, le go opela ye botse ye, pina ya kgale yeo ka mehla re e opelago, “Ke a Mo rata, ke a Mo rata.” Ge moralokapiano, goba e ka ba mang a lego, goba bona ka mmino, ba tla re fa khote ye nnyane go yona, ke a thanka. Eye, go lokile, a re boneng ge re ka kgona go e opela gona ntle le mmino. Yo mongwe le yo mongwe mmogo bjale, ka dihlogo tša rena di inamišitše.

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

²⁵⁶ Ke nagana ba emišitše ditheipi bjale. Le a bona, theipi ye e ya ye nngwe le ye nngwe . . .



SHALOM NST64-0119
(Shalom)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena morago ga sekgalela, Janaware 19, 1964, ka Ramada Inn ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org